

(5)

C. ODOFR. MUELLERI
DE
PHIDIAE VITA
ET
OPERIBUS

COMMENTATIONES TRES

RECITATAE IN CONSENSIBUS REG. SOC. SCIENT. GOTTINGENSIS



CUM TABULA AERE EXPRESSA QUA SIGNA ADUMBRANTUR QUAE FUERUNT
IN POSTICO HECATOMPEDI FASTIGIO

GOTTINGAE
TYPIS DIETERICHIANIS

MDCCCXXVII

1 Cum in his consessibus de iis potissimum agere constituerim, quae in historica artium ab antiquis populis cultarum cognitione luce sua adhuc carere videntur: mirum fortasse videbitur quid sit quod me perpulerit, vt primo loco Phidiae vitam et aetatem tractandam mihi sumerem: argumentum tum in omnium oculis positum et studiis doctorum virorum magnopere frequentatum, tum dignitate, amplitudine, claritate in archaeologicis literis nulli facile secundum. At enim duae sunt causae, quibus in spem adducor, fieri posse, vt de ea re etiam nunc quaedam non inutiliter disseram, neque temere in eam inuectus videar. Altera consistit in ipsis ex arce Athenarum in Angliam nuper deuectis statujs, quibus, vt non dicam Phidiacum caelum, certe tamen Phidiae ingenium formam figuramque dedisse iam plerique consentiunt, ita vt hinc demum iustam huius artificis notionem conoipere mentique nostrae imprimere liceat, quo equidem negotio, donec in Britannia versari licebat, nihil existimaui antiquius. Alteram causam, quae illi priori quodammodo consequens est, habemus in hoc, quod disciplina historiae artis ingenio Joannis Winckelmann sollerter

excogitata in ea tamen, qua de Phidia agit, parte inter omnes maxime imperfecta, imo falsa deprehenditur: quod tamen absque invidia tum viri immortalis, quem corrigere, multo facilius est quam aemulari, tum eorum dictum velim, qui nostra aetate ea, quae de originibus et primis temporibus artis ab illo erant prolata, ceteris omnibus infirmiora iudicarunt, eique infirmitati primae mederi studuerunt. His duabus causis ut permotus sum ita facile excusatus ero, si iam ad ipsum antiquae artis fastigium nie efferens studia mea per aliquod tempus in *Phidiam* conuerto. In quibus quum duplicem viam ingredi possimus, alteram quae a notione aetatis ad viri singuli cognitionem pergit, alteram quae diuersa ratione initur: nomen viri in arte fere vnicum facit ut hanc faciliorem et compendiosiore iudicemus.

2. Phidias natus est patre Charmide, ciue Atheniensi. Vtrum artem inde a maioribus hereditariam quodammodo acceperit nec ne, constituere haud ausim; certe posterius Phidiae artis disciplinam vel a Phidia vel ab antiquiore quodam parente conditam religiose seruasse videntur. Vix enim hisce munus Phaedrytarum, i. e. politorum et conseruatorum signi Iouis Olympii, ab Eleis demandari poterat, nisi eius artis, qua illud confectum erat, aliqua peritia iis adhuc inesse credebatur *a*). Ne autem forte putes, gentilicium artis cultum a Pericleo aevo alienum, eoque omnia antiqui moris vincula instinctu liberioris animi iam fuisse soluta, satis est monere etiam Socratem, licet Phidia aetate inferiorem, artem sculptandi autam et haereditariam quodammodo exercuisse quippe e gente Daedalidarum et patre sculptore prognatum. Quan-

a) V. Pausaniam V, 14, 5. Is etiam refert Phaedryntas ad aram quandam in loco Iouia Minervae Erganae sacra fecisse, idemque gallum gallinaceum in casside Minervae Eleae a Phidia factae symbolum Erganae putat (VI, 26, 2). unde fere libet conicere, Phidiae genti sacra Erganae Palladis fuisse patria.

quam id per se intelligitur, certe tum neque filios artificum, vt paternam artem exercerent, vlla fuisse necessitate adstrictos, neque ceteros vt ea abstinerent, ita vt, cum illi consuetudine et more tradito, hi suoapte ingenio liberoque animi motu ad artem exercendam ferrentur, obseruantia disciplinae a maioribus tramissae propriae animi ad altiora enitantis vim moderaretur quidem et temperaret sed debilitare et infringere amplius haud posset.

3. Haec de Phidiae origine. Sed tempus, quo natus est, e rationibus infra asserendis apparebit, in Olympiadem fere LXXIII cadere: quo tempore pugna ad Marathonem iam pugnata maius et nobilius bellum instabat, quo Atheniensium populi vires, adhuc sepultae et inertes fere, acriter suscitarentur, et in summa omnium iuter se contentione vltra, quam antea expectauisses, nunc crederis, auergerentur. Quod tum maxime factum, quum Athenis ab insularibus et ciuitatibus Asiae principatus belli aduersus Persas gerendi demandatus atque publicum in insula Delo aerarium ab Aristide conditum esset: ex quo tempore (Olymp. LXXVII. a. 3.) Athenienses ipsi imperantes, aliis belli subsidia ministrantibus, eam animi audaciam atque magnitudinem excolere poterant, quae tum Graecos tum barbaros vel terrore vel admiratione percellere debebat. Mox vero bello cum barbaris omisso *b*) id magis efficere studebant Athenienses, vt inter Graecos quasi reges et iudices essent, atque, communi aerario in urbem suam translato *c*), opes ciuitatum nomine sociarum, reuera subditarum, nulla simulatione in suos vsus conuertere coeperunt. Inter sumptus autem, quibus Athenienses tum minime parcebant, nulli erant landabiliores et nobiliores, quam quibus simul urbem suam exornabant, deorum sacra illustrabant, bonis artibus et stimulos addebant et materiam suppe-

b) Athenienses bellum iam antea neglectum vltro inferre desiere, ex quo Cimo obiit, OL. LXXXII, 4.

c) Quod factum esse videtur OL. LXXIX, 3.

ditabant. Cuius rei qui viri auctores exstiterē, non antea tamen de vrbe exornanda cogitauere, quam muniendae consuluerant. Et Themistocles quidem totus adhuc erat in muris extruendis *d*): atque Cimo arci Athenarum murum qui meridiem spectabat addidit, et muros longos per loca humida et palustria magno cum opere et labore deducere coepit *e*). Sed idem tamen etiam forum Athenarum pulcrius exaedificauit platanisque conseuit, et Academiam, qui ante fuerat locus sterilis et squalidus, lucum aquis et umbra amoenum effecit. Quibus plus ad artium splendorem augendum contulerunt Poecile porticus, quae iam antea nomine Πεισιανακτείου exstructa steterat sed tum primum parietes tabulis vestiendos praebuit *f*), atque Thesēi templum, post ossa herois ex insula Scyro Athenas delata, Olympiadis LXXVII. a. 4. conditum *g*) et annis insequentibus opere sculpto picturisque magnifice

d) Nam Vitruvii loco, V, 9. de Odeo exstructo, ubi vulgo Themistocles legitur, nulla fides habenda; Lycomidarum autem *ταλαστήριον* et Disnae Ἀριστοβούλης ocellum domesticum, de quibus Plutarchus narrat, exigua falsae videntur. Iouis denique Seruatoris in Piraeo aedem potius ad *Cononem*, quam cum Aloysio Hirt (Histor. Architect. T. II. p. 7. 8.) ad Themistoclem, retulerim: nam, cum Cono Piraeum Olymp. XCVI. a. 4. inueneris, Cephissodotum, sculptorem circa Olymp. CII. florentem, inuenimus Minervam mirabilem in portu Atheniensium facientem et aram ad templum Iouis Seruatoris in eodem portu, cui pauca comparantur. Verba sunt Plinii Nat. Hist. XXXIV, 19, 14. Cf. de hoc templo Liv. XXXI, 30.

e) Plutarch. Cimone 13. cf. Nepos Cim. 2. Hunc si aequeris, haec Olymp. LXXIX, 3. gesta videbuntur, si illum, Ol. LXXVIII, 3. 4.

f) V. praeter alios rhetorem in hypothesi ad Miltiadem elogium in Aitidis *πρὸς Πλάτωνα ὑπὲρ τῶν τεσσάρων* oratione: *ἰφ' οὗ ἐψηφίσαντο Ἀθηναῖται γραφῆναι τὴν Πεισιανάκτειον στυλὴν, ἥτις ὑπερὸν ἐκλήθη κινύλην*. Locum indicat J. Rutgersius Var. Lectt. V, 1.

g) Archonte Phaeone, non Phaedone, ut puto. Cf. Corini F. A. II, 1. p. 189. Boettiger Ideis ad Pictur. archaeol. I. p. 274 sqq. Aphepsio in locum Phaeonis subrogatus esse videtur.

exornatum *h*). Et Thesëum et Poecile porticus probant, nullam hoc tempore artem apud Athenienses in maiore honore fuisse quam picturam, quod maxime effectisse videtur *Polygnoti* pictoris tum in arte excellentia tum insignis cum Cimonis domo familiaritas. Quem natione Thasium, ciuitate Atheniensem, si recte concilio cum Cimone, cum hic Thasios aduersus Athenas arma moventes ad deditionem coëgisset, in hanc urbem deuenisse *i*); quapropter hunc semper tanquam patronum sectabatur: ab Olympiadis inde LXXIX. anno 2 opera eius, quae Athenis exstabant, facta esse censenda sunt *k*), atque hinc pingendi artis apud Athenienses celebritas deriuanda.

4. Sed redeo ad Phidiam, a quo quae hucusque dixi, minime aliena sunt. Hic enim, quo tempore pictor Thasius Athe-

h) Quibus etiam Anaceum addit, recte ut pnto, Hirt l. I. II. p. 11.

i) Obmouere quidem possis, Elpiniceu natam circa Ol. LXIX. et quaedragenariam fere, quo tempore frater eius Thasios deiecit, vix tam potuisse a Polygnoto tantopere amari et in Poecile porticu inter Troasas Laodiceas nomine ornari. V. Plut. Cim. 4. Quae ratione etiam Lessingius, Sopb. Vita p. 108., motus est, ut Polygnotum antiquiorem faceret. Nihilominus Elpinice eodem tempore (Olymp. LXXIX, 2.), pulchritudine confusa, Periclem cum fratre conciliare poterat, quauis ab eo *anus* appellabatur (Stesimbrotus ap. Plut. Pericl. 10. Cimón. 14.), quo quidem nomine Olymp. LXXXV, 1. dignior erat (Plut. Per. 24.). Contra Plinius in alteram partem errat, cum Polygnotum *post Panaenum*, quem Olymp. LXXXIII. ponit, clarum fuisse dicit, quo tempore Cimo iam mortuus erat. Cf. Henr. Meyer in Ephem. liter. Jenens. T. III. 1803. p. III. et Boettiger J. I. T. I. p. 270.

k) Quamdiu floruerit, inde intelligitur, quod aedacula cum Propylaeis coniuncta, quae ab Olymp. LXXXV. a. 4. aetuebantur, tabula Polygnoti exornata est (Pausan. I. 22. 6.); recteque Plato in Gorgia. qui dialogus e probabili computatione Olympiadis LXXXVIII. a. 2. habitus fingitur, eius cum fratre viuente adhuc mentionem fecisse videtur, p. 448.

nas deuenerat, quatuor fere et viginti annos natus, allectus, puto, noua huius artis gloria eidem operam dare coepit. Eamque artem etiam postea retinuit Panaenus, Phidiae frater, vel, ut vnus Strabo fortasse rectius *l)*, fratris filius, sed et hic iam, si Plinio fides *m)*, circa Olymp. LXXXIII. florens. Phidiam autem ab initio piotorem fuisse et Olympii Iouis templum, quod Athenis Pisistratidae struxerant sed imperfectum reliquerant, tabulis exornasse, eodem auctore constat *n)*: quod Cimone adhuc vivente factum esse probabile videtur.

5. Qui cum Olympiadis LXXXII. anno 4. diem supremum obisset *o)*, Pericles, qui iam aliquot annos auctoritate apud Atheniensium populum cum illo certauerat, nunc fere solus rempubli-

l) VIII, 542.

m) XXXV, 8, 34. Ceterum de Panaeno lege, quae copiosissime disputauit Boettiger libro laudato. Hoc vnum addo: Plistacenum, Phidiae fratrem, cum vno tantum loco occurrat, ap. Plutarchum de gloria Athen. 2. p. 84. H., et nomen non multum distet a Πάναινος, vel Plutarchi vel scribe errori originem debere. Ego eo confidentius repono Πάναινον, quod eo loco haud obscure respicitur ad pugnam Marathoniam a Panaeno pictam, verbis: *εἰ μὲν στρατηγοὺς ἔγραψαν νικῆντας*: Panaenus enim Plinio teste XXXV, 8, 34. duces in eo proelio iconicos pinxerat; *μάχη* contra etiam ad Niciam spectant, quippe qui proeliis equestribus insignem laudem mernerat.

n) Plinius Natur. Hist. XXXV, 8, 34. Locum de Olympio nuper interpretati sunt Jacobs Amalhesse T. II. p. 247. et Siebelis Ind. in Winckelmanni Opp. p. 324. — Hinc fides aliqua additur famae aliquin non satis probabili de picturis Phidiae in Arado insula Phoeniciae extantibus, apud Pseudo-Clementem Recognit. VII, 12. 13. cf. Clementin. Homil. XII, 12.

o) Diod. Sic. XII, 4. Huius obitum, Heynio obseruante, *Sammlung antiquar. Aufsätze* I. S. 189., historici Graecorum scriptores epocham fecerunt, qua bellis interluceret pacis artium artificumque mentionem.

cam capessuit. Is postquam muros, quibus vrbs cum portubus coniungeretur, inchoatos iam a Cimone, absolvendos populo persuaserat, quod Olymp. LXXX, 3 et 4. factum esse e Thucydide colligitur, eoque Athenarum munimentis quasi fastigium imposuerat: iam ciuium oculos, sociorum tributa, artificum studia summo fervore conuertere coepit in urbem magnificis operibus mirum quantum exornandam, aedesque, quibus barbarorum impietas deos Graecanicos spoliauerat, iis maiores et multo splendidiore reddidit. Quod vt communi Graeciae consilio per omnes eius regiones simul fieret, legatis ex plebiscito Atheniensium missis efficere studuit: quod ex Plutarchi mente factum est, antequam primum inter Peloponnesios et Athenienses bellum glisceret, id est ante Olymp. LXXX, 3. p). Sed haec ambitiosius et ostentationis causa flagitata esse videntur; attamen Athenienses ex hoc tempore, quae communiter vix fieri poterant, ea apud se vt fierent summo studio curasse constat. Hinc continuo ordine aedem Cereris Eleusiniam, Hecatompodon, Odeum, aedem Minervae Suniensem, alia in agro Attico deorum delubra, Acropoleos denique Propylaea exstructa esse compertum habemus g). Quae pleraque omnia quinque, quae bellum Peloponnesiacum praecessere, olympiadibus, a LXXXII ad LXXXVII, inchoata et absoluta sunt. Nam Odeum, vt Cratini versibus quibusdam docemur r), iam extruendum cu-

p) Plut. Pericl. 17..

g) Aedes publicae hic omitto, quo pertinet Lyceum gymnasium, quod Pericle episata institutum tradit Philochorus ap. Suidam p. 53. ed. Lenz et Siebelis, (sed alii alia de ea re) siquae ἀλφειοπηλῆς in Piraeo (Schol. in Aristoph. Acharn. 553.). Etiam Ἰπποδάμιος ἀγορὰ Periclis temporibus exstructa est (de Doriciis. II. p. 255, 4.).

r) Ap. Plutarch. Pericl. 13.

Ὁ σχυρονέφυλος Ζαῖς ἔδη προσέρχεται
Περικλῆς τρέσσει ἐν τῷ κρείνῳ
Ἐχων, ἐπεὶ δὲ τοῦ στρατὸν περιίχεται.

rauerat Pericles, cum Thucydidem, factionis aduersariae principem, suo ipsius periculo per ostracismum expulit, quod factum est Olymp. LXXXIV. a. 1. s). Atque iam tunc erant, qui Periclem ob ingentes sumptus, quos in opera publica fecerat, apud populum diffamare tentarent t). Iam insequentibus annis Hecatompedon exstructum et absolutum, et hoc confecto statim Propylaea acropoleos condita esse, postea videbimus u). Haec sane omnia, quamquam tunc temporis Pericli magnam inuidiam contrahabant, generosissimum nobis et paeno diuinum in hoc viro spiritum probant, quem fortasse etiam auita gentis Buzygum, ex qua ortus fuisse traditur Pericles x), sacra Palladia et Cerealia y) aluisse putanda sunt.

s) Plut. Pericl. 16.

t) Ib. 11.

u) §. 11. 16. *Propylaea Eleusinia*, aetycis tam similia, ut fere eadem videantur, eodem tempore exstructa puto. Templum *Nemeseos* maius aine dubio iam inchoatum erat, cum statua deae, de qua post sermo erit, (§. 20.) dedicaretur.

x) *Eupolis* ap. Aristid. Or. in Platonem T. II. p. 130. Jebb. cum Scholio. Video tamen nunc, Frommellum ad Schol. Aristid. p. 176. contra Scholiorum auctoritatem haec non de Pericle, sed de Demonstrato rhetore dicta intelligere, sed mihi ipsam illud, in quo *εὐπολις* videtur, *ὁ ἀλιτρίος* ad Periclem, *τὸν ἀναγῆ*, omnium optime referri posse videtur. *Eupolis* autem loco ap. Schol. Lysistr. 398. Demonstrati clamoros sermones cum alta voce Buzygis i. e. Periclis, de iniuria querentis, comparasse tantum, et huc respexisse videtur Aristophanes. Sed fateor, rem esse altiori indaginis.

y) V. Platarch. Coniug. praec. T. VII. p. 425. H. Hesych. s. v. *Βουζύγης*. cf. Minervae Polladis sacra etc. p. 4. Maxime memorabilis est titulus Atticus in Corp. Inscr. n. 491., quo sacerdos Iouis *τοῦ ἐπὶ Πάλλαιον* idemque *Βουζύγης* nonnum Palladis simulacrum a se comparatum dedicat.

6. Sed his iam ad id tempus deducti sumus, quo Phidias arte et honore summiopere floruit; hoc enim rectore et summo moderatore, si Plutarchi locum vrgere licet z), quaecunque Pericles opera publica suscepit, peracta sunt. Verum ab hoc tempore recedendum est ad illud, quo Phidias primum ad artem statuariam exercendam incubuit et omne suum studium in ea collocavit. Magistris tum vsus est, quorum quidem mentionem inieciam reperimus, duobus, altero *Hippia*, qui praeter unum locum non memoratur, ita ut ne de nomine quidem viri satis constet a), altero *Agelâda*, artifice celeberrimo, cuius ad aetatem constituendam permulta ab antiquis auctoribus allata suppetunt. Nam inter athletarum statuas, quas posuit, habemus Timasitheim Delphum, quem periisse constat Ol. LXVIII. a. 1. b), Cleosthenem Epidamnium, victorem Olympiadis LXVI. c), Anochum Adamatae Tarentinum, stadio et diaulo victorem Olymp. LXV. d). Quo quanquam opus aetate prius nunc non occurrit, tamen artifex, cum a Tarentinis statuam cuius eorum facere iuberetur, non poterat esse ignobilis. Iamque inter primos Graeciae artifices censebatur, cum una cum Canacho et Aristocle, statuariis Sicyoniis, quorum

z) Pericl. 13. πάντα δὲ διέτετο καὶ πάντων ἐπίσκοπος ἦν αὐτῷ Φειδίας καὶ τοῖς μεγάλους ἀρχιτέκτονας ἐχούτων καὶ τεχνίτας τῶν ἔργων.

a) Nam apud Dionem Chrysost. Or. LV. p. 558. Ἰππίου tantum e coniectura positum est, quae neque a Plinio XXXV, 11, 40, 35., ubi pictor occurrit Hippias, neque a Pausania VI, 13, 3. subsidium accipit, nam qui hic Durim Samium finxisse dicitur, vixit circa Olymp. CVII, 1, Duris enim inter pueros vicit, quo tempore Samii ex insula sua pellicbantur. Codd. praebent ΠΗΙΟΥ, ex quo si ΗΠΙΟΥ faciendum proponerem, vereor ne audacior viderer. Certe hoc nomen loco aptissimum esset.

b) Paus. VI, 8, 4.

c) Id. VI, 10, 2.

d) Id. VI, 14, 5. Ageladas fecit etiam Tarentinis donarium de victoria a Nicsepiis reportata (Paus. X, 10, 3.).

illum inter bellum Marathonium et Salaminium maxime floruisse demonstratum est *e*), tres simul Musas poneret Antipatri Sidonii epigrammate celebratas. Sed aliquanto tempore post illas athletarum statuas Messeniis, siue potius Hilotis, quibus Lacedaemoniorum bello eiectis Athenienses Naupactum incolendam dederant, Iouem Ithomatam, deum ipsorum patrium, fecit *f*): quem non ante Olympiadis LXXXI. a. 2. factum esse, ea ipsa quae de eo attuli probant. Idque tempus eo magis conuenit, quo arctior tum coniunctio obtinebat inter Athenarum ciuitatem et Argivos, quae haud dubito quin causae fuerit, vt ab Argivo potissimum artifices dei sui imaginem fingi voluerint Atheniensium illi clientes. Sed videndum ne rationes nostrae ad chronologiae scopulos allisae iam misere confringantur. Quid enim? cum inter Anochi Tarentini victoriam et Naupactum a Messeniis occupatam anni intercesserint *sexaginta sex*, num tantum temporis Ageladam viguisse et inter artifices floruisse concedemus? At enimvero primum licebit ab altera parte annos nonnullos demere, cum victoriam quodam temporis spatio subsequi potuerit statuae confectio. Neque tamen multum lucramur. Nam cum vltra Olympiadem LXVIII. degredi, tres illae temporum indicationes coniunctae haud patiantur: et sic efficitur, vt octogenarius vel octogenario maior Ageladas in Ioue Ithomata operam posuerit. Id vero vt factum esse concedamus, necessitate quadam cogimur, cum de duobus Ageladis Argiuis, auo fortasse altero, altero nepote, Pausanias certe, auctor in ea re princeps, non cogitauerit. Is haud dubie vnum tantum nouit Ageladam, quem Onatae Aeginetae et Hegiae Atheniensis aequalem dicit *g*), quos artifices circa Olympiadem LXXX. floruisse constat. Neque hanc Ageladae viridem vegetamque senectutem nimis mi-

e) V. *Kunstblatt* Anni 1821. n. 16.

f) Pausan. IV, 33, 2.

g) VIII, 42, 4.

reris velim in aeuo macrobiorum inter poetas, philosophos, historicos fecundissimo, in quibus ingenii lumen, sicut et nunc quandoque euenit, vim vitalem hominum saepe auxisse et vltra solitum terminum aluisse videtur.

7. Verum ante tempus Iouis Ithomatae facti Ageladam quosdam annos in Attica vixisse, probabile fit tum inde, quod ex eius disciplina prodiisse scimus Phidiam et Myronem, etiam hunc Atticum ex oppido Eleutherarum, tum ex signo Herculis Sospitatoris, quod artificem illum Argium in pago Melitensi posuisse constat. Atque annos hos proxime insecutos puto foedus ab Atheniensibus et Argiuis Olympiadis LXXIX anno fere 3. ictum, quod, vt mercatores, opifices, artifices hinc inde conmearent, efficere consentaneum erat. Nani etiam Argiuorum vrbs, ex quo pagorum circumquaque sitorum incolae in eam deducti et ciues facti erant, quam rerum publicarum commutationem circa bellorum Persicorum tempus factam constat *h)*, hominum multitudine et publica opulentia artis exercendae largam praebebat materiam. Tempori autem, quo Ageladam Athenas deuenisse coniecimus, bene conuenit Phidiao aetas, qui tum quintum fere et vigesimum annum agens, quamquam, vt diximus, potissimum pingendi studiosus, tamen etiam in fingendo Ageladae institutione vti poterat. Neque tamen obsto, si cui Ageladae aduentus Olympiade vna vel duabus posterior statuendus videtur. At hoc prae fracte nego, quod scriptorum quorundam non satis firma auctoritate vulgo acceptum est, Herculem illum Melitensem ob pestem, quae primis belli Peloponnesiaci annis Atticam deuastauit, auerruncatam ἀλεξίκακον dictum, et tum demum ab Agelada nostro, Phidiae magistro, positum esse *i)*. Neque enim

h) Doriens. T. I. p. 174 sqq. II. p. 57. 143.

i) Hic locum adscribo Schollorum ad Aristoph. Ran. 504. quo aespicias iam reopexi. — ἐν Μελίτῃ ἐστὶν ἐπιφανέστατον Ἡρακλέους ἱερὸν ἀλεξίκακου (sic scribendum) — τὸ δὲ τοῦ Ἡρακλέους ἄγχμα ἔργον

huius hominis senium vlla ratione eo vsque protrahi potest, neque minor quidam cognominis a maiore distingui, cum eundem Ageladam hic Phidiae magistrum appellari appareat, qui a Plinio Myronis et Polycleti, Phidiae aequalium, praeceptor fuisse traditur. Denique facile intelligitur, quid grammaticum de statua illa narrantem in errorem induxerit: coniectura nempe specie admodum probabilis sed re vera leuis, qua, Herculi ἀλεξιμάχου cognomen inde a magna illa peste Attica obuenisse, feliciter assecutus sibi videbatur: quod tamen multo antiquius esse et Delphis Athenas translatum haud dubito *l*).

8. Huic cum simillimus et geminus sit error quidam Pausaniae, quippe quem etiam pestis Atticae recordatio genuit male opportuna: non possum quin et huic in transitu mederi coner. Is enim scriptor diligentissimus de Phigaleensi Apollinis templo agens *l*), quod marmora inde nuper protracta illustrius fecerunt, quaerit vnde deo cognomen additum sit ἐπικουρίω, eamque quaestionem soluit coniectando, id nomen meruisse deum Iue quadam propulsata, quam iam non dubitat eandem fuisse atque famosissimam illam belli Peloponnesiaci. Cui sententiae adminiculum petit inde, quod templum Phigaleense constet ab eodem architecto exstructum esse, qui Hecatompodon haud multo tempore ante bellum Peloponnesiacum struxerit, ab Ictino. Sed haec ipsa Pausanias tela nobis in sese

Ἐλεῖθε υἱοῦ Ἀργεῖου τοῦ διδασκάλου Φειδίου, ἡ δὲ ἱέρους ἐγένετο κατὰ τὸν μέγαν λοιμὸν ἔθεν καὶ ἐταύετο ἡ νόσος πολλῶν ἀνδρῶν ἀπολυμένων. Ἀγαλᾶθου iam plures correxerunt (V. Meurs. Piraeo 4. et de populis Atticae Μελίτη), neque dubium, recte eos fecisse, quosquam Suidas iam Γελᾶδας legerat, et, ne apud Jo. Tzetzen Chilliad. VII. hist. 154. v. 930. et VIII. h. 192. v. 325. eandem referentem corrigas, versus prohibet. Tales errores Tzetzae non eximendos, recte sistit Theoph. Kiefalling ad locum alterum.

l) Cf. de Doriens. I. p. 455.

l) VIII, 41, 5.

offert. Quam enim tum Arcades omnes in foedere Peloponnesiorum essent *m*), cuius nomine Lacedaemonii Atheniensibus bellum indixerant, atque his ipsis, quibus pestilentia obtinebat, annis in Attica devastanda partes non infimas agerent: quis credet vel Athenienses permisisse ut ipsorum artifices operam suam hostibus venderent, vel Arcades ut illi tuto per fines suos commearent *n*). Nam cum ex iure gentium apud Graecos qui in terra hostili deprehendebantur in servitutem redigi solerent *o*), artifices honorifica quadam exceptione gauisos esse nihil est cur statuamus. Verum et alterum argumentum adest, cui cedent fortasse quibus illud infirmius videatur. Ut enim Thucydides haud ambigue affirmat *p*), pestis Attica in Peloponnesum vim fere nullam exercuit, atque per se improbable, morbum nauibus propagatum et locis hominum exundante multitudine refertis grassantem inuasisse interiorem Arcadiam montibus caeloque salubrem. Iam nemo puto vetabit *q*), quominus templum Phigalense ante Peloponnesiacum

m) Thucyd. II, 9.

n) Thucyd. I, 146. II, 1. accurste indicat, quo tempore omnis ἀρχαῖος ἀπὸ τῆς Ἀττικῆς inter Athenienses et Peloponnesios sublata sit.

o) Disertius de ea re agere poterat Wachsmuth: Ius gentium apud Graecos p. 85., et ager fortasse in docta, quam edere coepit, Ἀρχαίολογία Ἑλληνική.

p) II, 54.

q) Ne meritissimòs quidem Pausaniae editor atque defensor, qui sententiam meam ex Ephemeridibus Göttingensibus non plenam cognoverat. Certe Pausanias et Thucydides conciliari non possunt, nam penitus, quae, ut sacra non instituerent et ad eam magnificam exstruerent, Phigalenses monerit, dici non potest ἂν Πελopόννησον οὐκ ἰσχυροὶν ὅτι δέξιν καὶ σίπλην. Vtri vero maior fides erit, historico de suo tempore narranti an Pausaniae ratiocinationi? In locis II, 32, 5. et X, 11, 4. Incertos tantum vulgi rumores agnosco. Ceterum nunc video, etiam Stackelbergio, operis magnifici de Phigalae auctori, de Pausania narratione nullum dubium subortum esse.

bellum, quo tempore commercium artificum Peloponnesiorum et Atticorum adhuc florebat, factum statuamus. Sed redeo in viam propositam. Id nobis partim demonstrasse partim probabili conjectura assecuti esse videmur, *Ageladam floruisse inde ab Olympiade LXVIII vsque ad LXXXII, et cum post Olympiadem LXXIX in Attica degeret, Phidiam adolescentem in arte sua instituisse r)*. Qua ex institutione quid profecerit Phidias: hic ubi de externa vitae eius conditione agitur, nondum poterit declarari. Sed cum quae de ea conditione atque fortuna Phidiae afferuntur, omnia fere coniuncta sint cum operibus, quae fecit: de his principe loco agamus necesse est, verum ita ut ea tantum commemoremus, quae ad illam cognoscendam faciant s).

r) At aliter in ea questione versatus est vir subtilis doctrinae et elegantissimi iudicii, *Fridericus Thiersch* de Epochis artis II. not. p. 46. Is enim distinguit Ageladam, qui Anochum et Cleosthenem, ab alio, qui Iouem Ithomatem fecerit, eodem et Herculis Melitensis suctore. Atque illum Argium, sed hunc statuit Sicyonium, quis Amasaeus Pausanias interpretis V, 24, 1. Ascaris Thebani magistrum, cuius nomen in Graecis codicibus hucusque collatis deest et patria tantum indicatur Sicyon, Ageladam dicit. Sed haec, ut libere dicam quod sentio, a viro ingenioso artificiosae magis conglutinata quam e veterum scriptorum suctoritate deducta videntur, et nihil illis inest, quod interiore quadam congruentis veri documentum addat. Ascerum Pausanias certe bellis Persicis vetustiorum putabat, ut e loco laud. apparet: qui igitur magistrum habere poterat artificem, qui sub belli Peloponnesiaci initium vixisse putatur? Ceteris autem omnibus locis vnus tantum idemque agnoscitur Ageladas Argivus, etiam ab illis, qui Herculis Melitensis mentionem facere. Ex quo signo ad pestem Atticam male relato nescio an etiam fluxerit error Plinii Ageladam epochae Olympiadis LXXXVII assignantis.

s) Omnium catalogum fecit Hadr. Iunius. Omisit tamen locum maxime memorabilem Tactae Chil. VIII, 192. v. 331., qui praeter Iovem Olympium et Minervam, scream sique eburneam, Phidiae opera recenset *Iunonem* aliunde ignotam et τὸν ἀνδρῆα *Apollinem*, quem

9. Nullius inter deos Graecanicos plura Phidias signa fecit, quam *Minervae*, patris atque dilectae deae. Nobis quidem in-

eundem fuisse putare possis atque Parnopium Pausanias I, 24. 8. (de Patarensi enim qui loquimr, Clemens Alex. Protr. 14. 3., idem dubitat, Bryaxidisne potius fuerit), denique *Herculem* Augese stabula cgerentem (quod est inter auglypha supra fores in antico templi Olympici, Pausan. V, 10, 2. sed Tzetzes de statua loqui videtur). Apollinis caput Tzetzae temporibus in palatio, alia opera in hippodromo et foro Constantinopoleos supererant. Cf. Heyne de priscae artis operibus Constantinopoli exstantibus, Comment. Soc. Gotting. XI. p. 11. Caput illud a cetero corpore separatim arhltror, quum Constantinus hoc, suo ipsius capite addito, Constantinopoli in in columna prophytica poneret. V. Cedren. p. 322. Nam de eodem Apollinis signo, cuius Tzetzes mentionem facit, sermonem esse, inde apparet, quod et hic ἀνθήλας (i. e. anthe diu orientem versus positus, v. Aeschyl. Agam. 527. cum Schollis, et Eurip. Ion. 1567) dicitur. Cf. Heyne de senioris artis operibus sub imp. Const. I. I. p. 44 sq. Ceterum Heynius iure dubitat, Phidisiene reuera fuerit hoc signum, quum nominis claritas, ut eo abuterentur homines posterioris aevi, efficeret. Neque secus statuendum videtur de titulo statuae Castoris celeberrimae in Monte Caballino: PHIDIAE OPUS. Cui esse qui et nunc, post opera fere Phidiaca in Europam delata, fidem habeant, mirari non desino. Mihi contigit, ut colossi illius imaginem opera Westmacotti aere fuisse et ante Wellingtonis aedes positam quotidie videre et cum signis Elginianis comparare possem, vnde, diversissimum illi et hinc inesse artis χαρακτήρα, firma mihi persuasio orta est. Castoris, et de solo spectatus apparet, statua erecta atque gracilis et ad Lysippeas rationes facta est; Phidiaca signa canonis Polycletei exempla afferunt. In hisce etiam minima quacque ad naturae veritatem exacta sunt, in illo minora omnia omissa sunt et valet aliquid longiloqui visus excursio. Denique recte Quatremère-de-Quincy, Lettres à Canova p. 113., in colosso montis Caballini disciplinam agnovit longo vsu constitutam, cuius ad regulam et normam musculi nervique admodum brabantur; quum statuæ Hecatompedi vivam atque calidam adhuc

notuere Palladia Phidiae manu facta octo vel nouem, quorum tria vel quatuor in arce Athenarum dedicata erant, signum dico eburneum in Parthenone et colossum aeneum Ἀθηναῖς τῆς Προμάχου sub dio positum eamque quae Lemnia dicebatur et hanc ex aere factam r), quibus fortasse addi potest ea statua, quam Plinius Cliduchon appellat u); cetera Plinii et Pausaniae temporibus exstant in arce Eleorum, Plataeis in templo Minervae Areae, in aede deae ad Pellenen, denique Romae ad aedem Fortunae huiusce diei, quod signum, item ex aere factum, eo loco Paullus Aemilius posuerat x), nescio ex quo Graeciae fano abductum. Inter haec quum signum Pellenense, auro et ebore compositum, Atticis et Plataeensi prius factum referat Pausanias y), id certe omnium, quorum de aetate aliquid memoriae proditum est, antiquissimum habendum. Et valde antiquum habeamus necesse est, si, quae de signo Plataeensi et colosso aonco referuntur z), facta ea esse e praeda Marathonica, cum plerisque ita intelligamus, ut proximis post eam pugnam annis facta ea et posita esse statuamus a). Vnde

demonstrent naturae imitationem. Quae scripseram antequam Wagneri et Thierschli argumenta cognoui, quibus plane assensior. De Phidiae statuis in foro Pacis cf. Procop. bello Gothico IV, 24.

r) Plin. N. H. XXXIV, 8, 19, 1.

u) Ibid. cf. Heyne de auctor. formarum in Commentat. Societ. Gotting. VIII, p. XXVIII. Petersen Programmae Hauniae 1824. editio.

x) Plin. XXXIV, 8, 19. Hoc enim signum a ceteris omnibus distinguendum videtur.

y) VII, 27, 1.

z) Paus. I, 28, 2. IX, 4, 1.

a) Ita iam inter antiquos Scholiastes Demosthenis in Androionem p. 597. ed. Reiske, qui Προμάχου statuam post procellum Marathonium ante Salaminium erectam putat. Cf. Scholium in Aristidem ap. Creuzer. Meletem. I. p. 24., nunc a Frommelio editum p. 104., ubi aerea illa statua μὲν τὰ Προμάχ., sed a Praxitele (mirus error) facta dicitur.

apud plerosque opinionem obtinere video, Phidiam iam circa Olymp. LXXV. egregiis operibus clarum nomen meruisse *b)*, quo tempore ex nostra computatione, cui argumenta infra nos substructuros spondimus, octo annorum puer erat. Haec igitur nostra computatio ne praemature obitu pereat, iam hic quae obloqui videntur remouenda sunt. Neque arduum hoc coeptum. Nam, ut mea fert opinio, etiamsi signa ea ex praeda illa facta essent, tamen de aetate eorum non multum constaret *c)*. Sed velim obserues, totum illud de praeda Marathonica decimisque inde electis caput mera fraude et mendaciunculis compositum esse. Quot enim et quanta opera Athenienses de pugna illa vouisse et dedicasse se praedicabant. Praeter colosseum illud signum, de quo modo diximus, ingens numerus statuerum visebatur Delphis, Minerva, Apollo, Miltiades et heroes tribuum eponymi alique Atticorum fabulis celebrati, quae omnia Phidiae opera et donaria de praecelio Marathonio dicebantur *d)*. Ibidem epistylia templi Apollinis aureis scutis exornata erant, quae de eadem victoria Athenienses dedicasse fama ferebat *e)*, decimam nimirum praedae valde amplae atque magnificae. Quid quod Delphis thesaurus Atheniensium exstabat, quem ex eadem praeda exstruxisse tradebantur *f)*. Athenis au-

b) Etiam apud recentissimos scriptores, Quatremère - de - Quincy *Impiter Olymp.* p. 220, 252. Thiersch de Epoch. II. p. 43. H. Meyer *Artis histor.* I. p. 60. cf. Schorn de artif. Graecorum studiis p. 221.

c) Iam antiqui scriptores in eum errorem procliuiores sunt, quo rerum gestarum monumenta cum rebus gestis nullo intervallo coniunguntur. Ita Aeschines in Ctesiph. p. 80. (cf. Nepos Milt. 6.) Miltiadem viventem in Poecile porticu pictum putat, et, cum ipse flagitaret, ut nomen sibi adscriberetur, repuleam tulisse. Quod aperte falsum.

d) Pausan. X, 10, 1. ubi τῶν δεινότητων excidit.

e) Id. X, 19, 3.

f) Id. X, 11, 4.

tem templum Eucleae donarium de proelio Marathonio fuisse dicitur, quod ubi Pausanias narrat, ipse multitudinem horum donariorum admirari videtur *g*). Quid autem, si Atheniensibus omnino praeda ex hoc proelio nulla fere contigit, cum Persae ne castra quidem in campo Marathonio posuissent, et in fugam versi statim in naues se coniecissent et septem earum tantum amissis a littore soluissent. Herodotus certe, scriptor accuratissimus, de praeda Atheniensium ne verbum quidem addit. Quodsi praedam nacti essent, Athenienses, tum publice pauperes et bellis vexati, certe in usum rei militaris et nautalis eam conuertere debebant. Sed fac, ut et hoc concesserim, magnas opes tum et partas et sepositas esse: num et hoc fingere licebit, eas, cum Athenae a Xerxe et Mardonio vastarentur, in naues delatas ibi in summa temporum angustia intactas mansisse? Nam id quidem certissimum, ante Athenas restitutas statuam illam neque fusam neque positam esse, nisi quis forte tantum et tam conspicuum opus ex ignibus Persarum, qui minora omnia opera vel deleuerant vel fuscauerant et corrumperant *h*), incolume euasisse credit. Igitur quae de signis hisce referuntur, inter documenta vanitatis Atheniensium, si verbo uti licet, habenda sunt, quos constat eo maxime tempore, quo ceteros Graecos sibi infensos infestosque habebant, victoriam celebrare maluisse ab ipsis fere solis partam, quam honori eorum consulere, quorum auxilio bello insequente vicerant, vel quorum opibus nunc magnifica illa condebant monumenta *i*).

10. Neque tamen fama de signis illis, quam hucusque examinamus, sibi semper constabat. Plataeensem certe Palladis Aerae aedem cum signo, quod ligneum erat inauratumque et capite pe-

g) Id. I, 14, 4.

h) V. Herod. V, 77. Paus. I, 27, 7.

i) Quaedam acute ad rem nostram observat Henr. Meyer *Art. Graec.* hist. T. II. p. 51., sed ipse iis parum firmiter innititur.

dibusque marmoreis, atque cum picturis, quas Onatas Aegineta et Polygnotus Thasius fecerant, Plutarchus auctor est *l*), factam esse e parte eius praedae, quae post *Plataensem* pugnam Plataeensis obuenisset, et octoginta talentorum fuisse traditur. Quod ut verum sit, et verum esse credo, tamen, sicut iam significavi, nihil cogit, ut signum deae ante Olympiadem LXXX. positum statuamus: quum potissimum in oppido operarum multitudine non abundante quinque Olympiades in aede exstruenda facile absumi potuissent. — Eum vero deae colossum, qui ex arce Athenarum in terram et mare longe prospectabat *l*), Demosthenes dicit *m*), e pecunia positum esse, quam Graeci Atheniensibus belli aduersus barbaros egregie gesti praemium siue ἀριστείων concesserint. Sed etiam hoc oratorio magis modo, quam pro veritate, dictum est. Ἀριστεία enim Atheniensibus in eo bello de nulla pugna obueniant nisi de Mycalensi, fortasse etiam de proeliis Cimonis; cui autem obuenere, laudem tantum non pecuniam attulere. Sed facile intelligitur, oratorem verbo magnifico tum praedam proeliorum tum sociorum stipendium vel tributa significare *n*). Igitur etiam hinc

l) Aristid. 20.

l) Inter Propylaea et Hecatompedon cum positum fuisse, numus quidam notissimus demonstrat; sed illis propriorem fuisse existimo, cum statim post eum Pausanias I, 28, 2. ἄρμα χαλκοῦν ἀπὸ Βαιωτῶν δεκίστην καὶ Χαλκιδίων memoret, quod ex Herodoto V, 77. scimus introeanti per Propylaea ad laeam fuisse.

m) De falsa leg. p. 428.

n) Sic Demosthenes adv. Timocr. p. 741., quae Thucydides σῦλλα Μηδικῇ dicit, civitatis ἀριστάτα ἀπὸ τῶν βαρβάρων appellat. Cf. ad locum Boeckh Corp. Inscr. p. 191. Huc denique etiam pertinere videtur locus Schol. in Aristid. p. 103. Frommel de Pœladiis: λέγει δ' αὖ καὶ περὶ ἄλλων πολλῶν Παλαδίων, τοῦ τε καταλυόμενον τὸν αὐτοχθόνα, καὶ τῶν περὶ αὐτοφύρων καλυμμένων, ὡς Φερειῶδες καὶ Ἀντιόχος ἱστοροῦσι, καὶ τῶν κατασημαμένων ἐν τῇ τῶν Γηγώνων μάχῃ. Cf. Crenauer. Symb. II. p. 693. Scriptum: τοῦ τε καθιδρυ-

actas horum signorum (de Plataeensi loquor et colosso aereo) certa ratione non potest constitui, atque his collatis nihil effecimus, nisi ut vacillare omnia, quae his fundamentis ab aliis superstructa sunt, intelligamus. Mihi quidem colossea illa statua iam ob eam causam inter nouissima Phidiae opera habenda videtur, quod eam imperfectam reliquit. Nam signa anaglypha in scuto exstantia Mys caelator demum ad lineas Parrhasii, qui Socrati aequalis erat, facta addidit o).

11. Contra quando *Minervam in Hecatompedo* posuerit Phidias, satis certis testimoniis constat. Philochorus enim, Atthidus scriptor, qui de ea re publica monumenta consulere poterat, nobis auctor est p), Theodoro archonte, i. e. Olymp. LXXXV. a. 3., post Hecatompedon aedem perfectam deae signum aureum et eburneum, quod Pericle locatore (ἐπιστάτη) Phidias (ἐργολάβος) faciendum conduxerat, erectum et dedicatum esse. Idque sine ulla dubitatione in magnis Panathenaeis, primo anni Attici mense, factum esse affirmo; quae solennia, tertio cuiusvis Olympiadis anno redeuntia, illustriore caeremonia non poterant celebrari. Quid quod magnus ille Archaeologiae Atticae instaurator, Boeckhius, ab his solennibus pentaeteridas Panathenaicas numerare nos docuit, quibus quaestores Minervae donariorum in templo asseruatorum recensum instituebant et rationes reddebant q). Neque discrepat ab hoc calculo Eusebius chronographus, qui consentiente Latino Hieronymi, Arabicoque qui nuper editus est, textu r) eiusdem Olym-

μένου ἐπὶ τῶν αὐτοχρόνων (sicut sunt qui narrent) καὶ περὶ τῶν ἀπὸ τῶν (quae voces per notas scriptae erant κτ) λαφύρων καλουμένων.

o) Pausan. I, 28, 2.

p) Apud Schol. in Aristoph. Pacem 604. Fragm. ed. Lenz et Sieb. p. 54. Locus infra n. i. §. 17. tractatur.

q) Corp. Inscr. p. 182.

r) p. 213. ed. Aucher. p. 340. ed. Mai et Zohrab. Cf. Syncell. p. 198. A.

piadis anno alteri (1577. a post Abrah.) adscriptis: *Phidias Minervae signum eburneum fecit*. Hoc enim anno maxime in eo opere occupatus fuisse credendus est. Quamquam etiam hic annus non sufficit ad tantum opus inchoandum et absoluendum, in cuius parergis, ut in crepidine statuae, ipse summus artifex multum operae consummisce dicitur s). Et quamquam scimus, maximo tum artificum fervore intentisque omnium studiis singulos annos plura et maiora opera protulisse quam totis decenniis perfici posse putaveris t), tamen ut Hecatompedos aedes, materia atque opere tam magnifica, absolueretur, Callicrati et Ictino architectis duae fere, ut puto, Pentaeterides concedendae erant, ita ut Olympiade fere LXXXIII media vel exeunte eam inchoatam esse, probabile fiat u).

12. Iam signi huius Minervae confectionem ex mea sententia statim subsecuta est opera in *Ioue Olympio* posita. Auctore enim Pausania x) tenemus, in Iouis solio inter alia sigilla ad rem gymnasticam pertinentia collocatam fuisse etiam figuram adolescentis caput sibi taenia redimientis, eamque habitam fuisse imaginem Pantarcis pueri Elei y) a Phidia dilecti. Quem cum Phidias eo habitu fingeret, quo *αἰαδόμενον* Graeci dicunt, sine dubio celebrare voluit palmam, quam is inter pueros luctatores Olympiade LXXXVI retulit z). Hac igitur Olympiade necesse est Phidias Olympiae

s) Themistius Or. 8. in. p. 187. ed. Petav. *In ea basi*, Plinio teste, *quod caelatum est Pandoras Genesin appellavit* (ipse Phidias, an fortasse in rationibus), *ibi dii sunt viginti numero NASCENTES*. Num nemo coniecit, quod Plinium scripsisse mihi persuasum habeo, DONAFERENTES. Cum excidissent litterae DO, cetera corruptio in proclui erat.

t) cf. Pintarch. Pericle 13.

u) cf. Quatremère-de-Quincy l. l. p. 222.

x) V, 11, 2.

y) Ite Pausanias l. l. Argiaum dicit Photius Lexico p. 482, 20.

z) Pausan. l. l. cf. VI, 10, 2.

versatus sit et in Ioue fingendo operam collocauerit. Quod ut fundamento ponere liceat, vnde firmiter ad cetera progredi possimus, stabiliamus necesse est aduersus ea, quae docti quidam viri obiecerunt, inprimis Heynius, vir de crisi historiae artium meritisissimus a). Is enim argumentum e sigillo illo sumptum infirmius esse contendit, propterea quod id et postea addi potuerit. Ego ut concesserim, quoniam post Phidiam in signo Iouis Olympii elaborasse, quod tamen ne concedam, vetat illud ἐπιείκην, de quo postea dicam: quem putabimus delicias Phidiae immortalitati tradere voluisse nisi Phidiam ipsum? Alii b) obiecerunt: vagam tantum et incertam famam fuisse, qua iuuenis ille ἀραδούμενος Pantarci similis eiusque imago ferretur c). At fama ea nullos habere poterat auctores nisi aedituos vel exegetas templi: qui, quando Phidias Iouem fecerit, et quando Pantarces vicerit, cum de hac re catalogi Olympionicarum consuli possent, non poterant nec scire, ita ut, si hoc et illud simul factum esse non constitisset, utrumque vix potuissent coniungere. Quibus addas haec. Phidiam Iouis Olympii digito amoris insania inscripsisse nomen Pantarcis, multorum in antiquitate consensu docemur d). Atqui Pantarces, cum inter pueros vinceret, quod Olymp. LXXXVI. factum esse constat, quintum decimum circiter annum egisse putandus est. Iam ex Heynii sententia Phidias Iouem fecit, antequam opera Periclea Athenis condi coepta sunt, id est ante Olympiadem LXXXIII: eo tempore, quo Pantarces adhuc in cunis vagiisse apparet. Sed eam de tem-

a) Antiquar. Abhendl. I. p. 204. qui ambigit cum Corsino, qui F. A. P. II. T. I. p. 249 sqq. eodem argumento vult esse. Heynium in ple-
risque secutus est vir de hoc archaeologiae capite bene meritus
Völkel de templo et statu Iouis Olympii p. 106 sqq.

b) Editores Winckelmanni T. VI, 2. p. 66.

c) Ἐαδύναυ τὴν αἰδέος λέγουσι, dicit Pausan. V, 11, 2.

d) V. infra N. x. §. 48.

pore Iouis Olympii positi sententiam, licet a plerisque receptam e), ex loco quodam Pausaniae ambiguo sed aliter explicando solum subsidium petere, alibi iam monui f), et mihi quidem de tempore statuæ Olympiacæ nullum dubium relictum videtur.

13. Multum autem ad nostram quaestionem referre videtur, ut, qua tum conditione vixerit Phidias apud Eleos, cognoscamus, ne decipiamur fabulis de ea re relatis g). Atque plura sunt, quæ probent, eam conditionem fuisse honestam, imo splendidam et publica auctoritate constitutam. Primum quod cum plerisque disci-

e) V. Völkel I. I. p. 14. Editores Winckelmann. I. I. alios.

f) De Doriensibus T. II. p. 507. Repetam, quæ potissimum huc pertinent. Pausanias, VI, 22, 2. de bello inter Eleos et Pisaeos circa Olymp. L gesto disserens dicit: Πισαίους μὲν δὴ καὶ ὅσοι τοῦ πολέμου Πισαίοις μετόχων ἐπέλαβεν ἀναστάτους ὑπὸ Ἑλλήων γενέσθαι. Eandem rem tangit V, 6, 3. ἐπὶ δὲ τοῦ πολέμου τοῦ Πισαίων πρὸς Ἑλλείους ἐκίνοῦντο τὰ Πισαίων εἰ Σικελιῶντιοι καὶ διαφέρει τοῖς Ἑλλείοις ἦσαν ἐκ τοῦ Φανεροῦ, καὶ σφῆς εἰ Ἑλλεῖοι τούτων εἴνεκα ἐποίησαν ἀναστάτους. Iam compara locum V, 10, 2. Ἐπορεύθη δὲ ὁ ναὺς καὶ τὸ ἄγαλμα τῷ Διὶ ἀπὸ Λακέρων, ἥνικα Πίσαν εἰ Ἑλλεῖοι καὶ ὅσον τῶν περὶομένων ἄλλο συναπτόσθῃ Πισαίοις πολέμῳ καθεύκον. Nihil magis apertum, quam scriptorem de eodem bello intelligendum esse, de qua re mecum etiam consentit V. Cl. Siebelis ad VI, 22, 2. Igitur Pausanias hoc significare voluit: templum et signum Iouis factum esse e præda tum parta, cum Elei Pisam deussarent. Sed e tempore prædae partae tempus templi et signi conditi nondum potest constitui, quum potissimum Eleos illam pecuniam quodammodo sacram habuisse et ad sacros usus deposuisse credibile sit. Potest tamen etiam aedes iam post Olymp. L strui coepta, et Phidias deum tempore absoluta esse, sicut delubro Delphico, Olymp. LVIII exstructo, artifices aevi Periclei signa in fastigiis aliisque addidere.

g) Merum figmentum est argumentum controuersiae apud Senecam Rhet. II, 8.: Elei ab Atheniensibus Phidiam acceperunt, ut is Iouem Olympium faceret, pacto interposito, ut aut Phidiam aut centum talenta redderent etc.

pulorum in Elidem venit, ostendit fuisse vocatum et ad opera magna et magnifica perficienda conductum *h*). Horum erat *Colotes*, *Phidiae* in faciendo Ioue adiutor *i*), sicut et in *Pallade Attica*, cuius aegidem caelauerat *k*), sed etiam aliorum operum ipse inuentor et auctor. *Minervam* quidem auream et eburneam in arce *Elidos*, quam *Plinius l*) huic tribuit, *Pausanias m*) a magistro factam refert, ita ut hunc operae praefuisse, cuius ille partes quandam in se sunsit, crediderim. Sed soli *Colotae Aesculapium* et hunc eburneum, quo *Cyllene*, *Eleorum nauale*, gloriabatur, tribuit eumque micis laudibus effert *Strabo n*). Aderat *Phidiae* etiam *Panaenus*, quippe qui Iouis pallium floribus encaustice pictis distinxit *o*), et sepimenta solum cingentia aliaque multa circa templum pinxit *p*), eundemque *Minervae* in aede de qua modo diximus, clypeum ex

h) *Phidias* ipse praeter Iouem Eleis fecit Venerem Uraniam, *Paus.* VI, 25, 2. *Plutarch.* de *Iside* 76. p. 206. *H. Conlug. Praec.* p. 421.

i) *Plin.* N. H. XXXV, 8, 34. cf. XXXIV, 19, 27.

k) *Id.* XXXV, 8, 34.

l) *l. l.*

m) VI, 26, 1.

n) VIII, 337 d. *Eustath.* ad II. B, 603. p. 300. Rom. *Coloten*, artificem mensae, in qua athletis Olympiae commissis coronae proponebantur, cum et haec auro et ebore confecta, et haec Olympiae dedicata fuerit, ego libenter eundem crediderim, de quo loco superiore loquor. Simul tamen credendum τοῖς πολυπραγμονήσασιν σπουδῇ τὰ ἰς τοὺς πλείους apud *Pausan.* V, 20, 1.: Parium hunc fuisse et *Pasitelis* (non *Phidiae* tantum) discipulum. Igitur non duo *Colotae*, sed duo *Pasiteles* distinguendi sunt, sicut fecit *Boeckh*, *Corp. Inscr. Graec.* p. 40., cuius rationibus scedo, discedens a *Thierschio* de epoch. artis III. Annot. p. 79.

o) *Strab.* VIII, 354. *Pausan.* V, 11, 1. cf. *Völckel l. l.* p. 158.

p) *Paus.* V, 11, 2. *Sir. l. l.*

interiore parte *q*), tectoriumque eius templi lacte et croco ante subactum pinxisse constat *r*): ita ut hoc delubrum Phidiae discipulorum operibus eximie nobilitatum esse appareat. Tertius cum Phidia venerat *Alcmenes*, qui signa in fastigio postico templi Olympici, quibus Lapitharum cum Centauris proelium exhibebatur *s*), vix alio quoquam tempore fecisse putandus est, quam quo ipsius magister eidem aedi operam suam tribuit. Anterius fastigium eadem ratione exornauerat *Paeonius Mendaeus*, quem cum secta Phidiae coniunctum fuisse, coniectura quidem est sed argumentis non destituta. Oriundus erat ex oppido, Atheniensibus usque ad nonum belli Peloponnesiaci annum subdito; vixit ante huius belli initium *t*); et quod maximi momenti esse videtur, si signa illa in fastigio collocata, quae Pelopem et Oenomaum ad certamen curule se praeparantes ostendebant, e descriptione Pausaniae animo repraesentare studeas, multa in iis gemina deprehendes statuarum et anaglyphorum in Parthenone olim exstantium *u*). Denique etiam *Cleotam*, Aristoclis filium, Atheniensem, tum cum Phidia ad Eleos venisse, coniectura est inde hausta, quod is artifex statuam egregii operis in arce Athenarum dedicatam fecit, idemque carceres Olympiae curules ad rationem solleter exco-

q) Plin. N. H. XXXV, 8, 34. Cf. Heyne l. l. t. p. 217. qui, an Plinius Graecum *ὑπαψ* recte intellexerit, dubitat.

r) Plin. XXXVI, 23, 55. Cf. Böttiger Archaeol. Picturae p. 243.

s) Pausan. V, 10, 2.

t) Nam statuas fecit ex praeda, quam Messenii Naupactii ab Oeniadiis captis retulerunt, Pausan. V, 26, 1., quod factum est inter Olymp. LXXXI et initium belli Peloponnesiaci, Paus. IV, 25. Nam quae ibi Messenii de Sphacteria narrant, vana est gloriatio. Quod Henr. Meyer. Artia hist. T. II. p. 82. putat, in nomine Paeonii Mendaei variare Pausaniam, in eo falsus est vir elegantissimus.

u) Quod demonstrandum ampliore tractatione eget quam hic locus patitur.

tatam construxit, qui postea a discipulo Polycleti Aristide quodammodo emendabantur. Hino enim apparet, eum neque aute, neque post Phidiae et Polycleti tempora vixisse x).

14. Iam haec artificum extraneorum celebritas, qua Elis tum ganisa est, satia aperte ostendit, ciuitatem eam, tum longa pace et agrorum ybertate ditatam, publica inuitatione a statuario iam inter Graecos nobilissimo petiisse, vt cum discipulis totoque *ἐργαστηρίῳ* ad se concederet atque etiam suis templis artis ipsius decus et honorem impertiret y). Exulem autem et extorrem, qua

x) V. Pausan. I. 24. 3. VI. 20, 7. Boeckh Corpore Inscript. Graec. p. 39. cf. p. 237. Scio quidem, Thierschium nuperrime (de Epocbis III. Annot. p. 82.) hunc Cleoctam Aristoclis et filium et patrem (Paus. V, 24.) cum Aristocle Sicyonio vetusto ita coniunxisse, vt Cleoctas hunc genuisse dicatur, sed genealogiae ab ipso constitutae plura habeo quae opponam. Aristoclem Cleoctae filium baud dubie eundem dico, qui Olymp. XCV. 3. basin Minervae in Partenone refecit, vt marmor Atticam apud Boeckh. p. 23. docet, qui probabiliter conicit, Cleoctae posteris in hac aede munus Phaedryntarum falsae.

y) Eodem fere tempore alii artifices Attici eodem consilio *Delphos* missi sunt, quo Phidias cum secta sua Olympiam: ex quo, quantum breui creuerit disciplinae Atticae gloria, baud ambigue colligitur. Nam aedes Delphica, Alcmaeonidis curantibus a Spintharo Crotoniata Olymp. LVIII exstructa, opere sculpto in fastigiis ornata est a *Praxia* Atheniensi, Calmidos discipulo, et post huius obitum ab *Androsthenes*, Eucadmi discipulo, et hoc Atheniensi. Paus. X, 19, 3. Atqui Calamis, qui, nisi Atheniensis erat, certe ibi plurimum temporis degebat (Paus. V, 26, 5.), Hegiae aequalis erat; hinc eius discipulum circa Olymp. LXXXIII, quo tempore Athenienses Delphorum rempublicam constituebant, ibi artem facitasse credibile. Euripides Ione, quam fabulam circa Olymp. LXXXVIII fecisse videtur (v. Boeckh trag. Gr. princ. p. 193.), metopas aliquas aedis, de qua dicimus, describens (metopas ibi describi certum puto) et has a sculptoribus Atticis factas esse mihi persuadet. Pallas enim in En-

conditione alii eum ad Eleos venisse fingunt, neque facile discipuli secuti essent, quos certa tantum lucris et honoris spes Athenis dimouere poterat, neque Elei tam laute exceperant, ut ipsi Olympiae in vicinia sacri luci officinam struerent ^z), quae ad Pausaniam usque aetatem, si scriptori credis, perduravit. Sed tanto erat honore Phidias apud Eleos, ut concederetur ipsi, quod cuius ciues in Minerva seuerè denegauerant ^a), ut suo nomine inscriberet statuam ab vniuersa Graecia sanctissime habitam. Itaque inscriptum legebatur in scamillo sub pedibus dei:

Φειδίας Χαλμίδου υἱὸς Ἀθηναῖος μ' ἐποίησεν ^b)

in quo versa etiam ἐποίησεν illud observandum est, quod Plinio auctore opus absolutum et perfectum et artificem sibi satis fecisse indicat. Denique et artificem et Eleos, cum Iupiter conderetur, amico fuisse et beneuolo in Athenienses animo, probat etiam singulare studium, quo Theseus, heros Athenarum patrius et omnium δημοτικώτατος, a Phidia inter sigilla solii bis, et semel a Panaeno in sepimentis circumquaque structis, ab illo sculptura, ab hoc pictura expressus est. Neque huic Salaminem cum aplustri ac Graeciam, ut videtur, ei coronam offerentem piangere licuisset ^c),

celadum aegida vibrans et Iupiter alium Gigantem fulmine icto proiciens eodem modo describuntur, quo in peplo Panathenaeico exhibitos fuisse status Dresdensis et veterum scriptorum loci demonstrant. Etiam Herculem et Iolaum cum hydra pugnantes confers cum metopa Thesti apud Stuart. Antiquities of Athens T. III. cap. I. pl. 11. fig. 2.

^z) Paus. V, 15, 1.

^a) Cicero Tuscul. Quæst. I, 15. in quo loco nihil corrigendum. Plutarchus quidem, Pericl. 13., artificis nomen ἐν τῇ στήλῃ scriptum dicit, sed hæc στήλη rationes curatorum operis, in quibus etiam ἀρχαῖον mentio fieri debebat, continuisse videtur, et a basi etate diversissima est.

^b) Paus. V, 10, 2.

^c) Paus. V, 11, 2.

si invidia Atheniensium apud Peloponnesios iam tum in bellum prorupisset. Itaque concedes, Phidiam inter Eleos artem factitasse ea tempestate, qua pax et concordia inter urbem, cuius ciuis, eamque, cuius hospes erat, nondum turbata esset, et eum Athenas reversum esse, antequam bellum Peloponnesiacum glisceret, in quo Elei iude ab initio partes Lacedaemoniorum strenue sequebantur *d*). Sed eius reditum belli initium annis quibusdam praecessisse, probant, quae de lite in Phidiam mota eiusque exitu referuntur. In quibus enarrandis cum magnopere discrepent et veteres auctores et scriptores recentiores: quae ratio potissimum sequenda sit, magis ex rerum ipsarum nexu quam ex auctoritate scriptorum euincemus.

15. Iam communis omnium, qui de ea re loquuntur, consensus dubitare nos non sinit, quin litis eius causa sita fuerit in consilio factionis Pericli in republica gubernanda aduersantis. Ea ut viri magnifici animum frangeret et contunderet atque a rebus gerendis auerteret et absterret, omnibus quos ille caritate et benevolentia complectebatur, Aspasiae, Anaxagorae, Phidiae summa pericula intendebat. Pericli autem id ipsum inter causas fuisse dicitur rerum turbandarum et belli mouendi, quo plebis oculos a se suisque rebus auocaret. Quae fama licet a poetis comicis nimium amplificata atque corrupta sit *e*), veri tamen aliquid subesse non negaueris: saltem ordo rerum gestarum hinc constitui potest certus et iudubitatus, quippe quem confundere ne mendacii quidem leuitas ausa esset. Et ita quidem constitui debet ut lites illas proxi-

d) Thuc. II, 9. Iam antea Elei cum Corcyraeis, quos Athenienses in foedus suum recepere, bellauerant atque ex praeda porticum in foro extruxerant, Thuc. I, 46. Paus. VI, 24, 4. Sed ea re gesta foedus et *ἐπιμύθηα* Peloponnesiorum et Atheniensium nondum aublata erant, sed *ἀκέρυκτος* adhuc *παρ' ἀλλήλους ἐφαίτων*, Thucyd. I, 146.

e) V. Plutarch. de malign. Herod. c. 6. (855. f. Fr.) Cf. Wytenb. Bibl. Crit. Vol. III. P. XI. p. 80.

me secutum sit acerbum illud populiscitum, quo Megarenses a foro Athenarum portubusque omnibus Atheniensium ditionis arcebantur *f*), quod ut Athenienses tollerent, inter leges pacis erat a Lacedaemoniis ante belli exordium propositas. Hoc maxime deduximus ex Aristophane *g*)

πρώτα μὲν γὰρ αὐτῆς (εἰρήνης ἀπολλυμένης) ἤρξε Φειδίᾳς
 πράξας κακῶς,
 εἶτα Περικλῆς φοβηθεὶς μὴ μετὰσχη τῆς τύχης,
 πρὶν παθεῖν τι δεινόν, αὐτὸς ἐξέφλεξε τὴν πόλιν,
 ἐμβαλὼν σπινθῆρα μικρὸν Μεγαρικοῦ ψηφίσματος
 ἐξεφύσησεν τοσοῦτον πόλεμον *h*).

Hinc efficitur, cum Megarenses Olympiadis LXXXVII. a. 1. in-
 eunte de decreto illo conquererentur, quod tum modo factum fuisse
 videtur, litem Phidiae hoc certe tempore priorem fuisse. Neque ta-
 men ea longo intervallo ab illo dimouenda est *i*). Nam cum qua-
 driennio certe Phidiae eiusque discipulis quamvis acribus operique
 intentis ad Iouem Olympium et caetera omnia, quae in Elide fe-
 cerunt, absoluenda opus esset, eos non ante tertium Olympiadis
 LXXXVI annum rediisse probabile est. Hoc autem tempore Pe-
 ricles haud dubie summa invidia flagrabat, neque ante hos annos

f) Thucyd. I. 67. 139. Schol. Aristoph. Ran. 1337. Acharn. 532. 537. Pace
 608. Tzetzeae Chil. X. h. 360. v. 950. Ipsi Pericli tribuit Aristopha-
 nes Acharn. 532., s. Charino factum narrat Plutarchus Pericl. Sed
 hanc Pericles instinxisse videtur.

g) Pace 605.

h) Cf. Plutarch. Pericl. 31. et quae Diodor. S. XII, 39 aqq. ex Ephoro
 (p. 227. Marx) affert.

i) Quod etiam hinc colligere possis, quod, Valerio Maximo auctore,
 III, 1 ext., Pericles post Propylaea demum perfectis, i. e. post
 Olymp. LXXXVII, 1., ad rationem reddendam vocatus de bello ex-
 citando cogitauerit. Sed argumentum infirmius est, et plus demon-
 straret, quam demonstrare voluerim.

Cleon contra eum insurrexisse videtur, qui, si Sotioni fides *l)*, Anaxagorae accusator exstitit, quae causa atque Phidiaca eodem tempore actae sunt *l)*.

16. Haec quum satis certa teneamus: haud magnopere demoveri nos patiemur diuersa quadam Philochori narratione, quanquam scriptoris haudquaquam spernendi. Philochorus *m)* Phidiam tradit, postquam Minervam in Parthenone posuerit, reum factum esse et metu condemnationis Elin aufugisse, ibique Iouis imaginem fecisse, sed ibi iterum in capitis discrimen vocatum et supplicio ab Eleis esse affectum. Is rerum ordo si verus esset, accusatio illa prior caderet in Olympiadis LXXXV. a. 3 vel 4., quum sub finem huius anni artificem iam Olympiae versatum esse, certissimum habeamus. Tum vero quisque videt litem, quae inter proximas belli causas ponitur, a belli exordio nimis longo intervallo dimoueri, neque id veteres Scholiorum auctores fefellit *n)*. Deinde Phidiae migratio in Elidem, qualem supra exhibuimus, omne aliud magis refert quam exilium, quod aumnia cum festinatione supplicii euitandi causa non siue ignominia subitur; et hoc argumentum mihi palmarium videtur. Denique quis Athenienses tam barbaros habebit tamque mitiore omni humanitatis sensu destitutos, qui vixdum absoluta deae suae vera *icone*, ab inuidia et suspicione tam male temperarent, vt diuinum artificem vilissimis exagitarent criminibus.

l) Diog. L. II, 12. Cf. J. T. Hemsens Anaxagor. p. 40 sq. Sisyus apud Diog. l. l. Thucydidem actorem dici, qui Olymp. LXXXIV. a. 1. ostracismo expulsus iam a. 4. exeuntem reuersus esse videtur (Thoc. I, 117. cf. Boeckh de Antigone).

l) Plutarch. l. l.

m) Apud Schol. Aristoph. Pace 604. Huic accedit Quatremère-de-Quincy, qui litem in Phidiam Olymp. LXXXV fere media recepiam putat.

n) Schol. Aristoph. l. l. ἄλλοις δὲ φαίνεται ἡ Παρθένος ὑπόνοια ἔπειθ' ἔσσει πρότερον τῆς τοῦ πολέμου ἀρχῆς τῶν περὶ Φιδίαν γενομένων.

Sed res magnopere mutatur, si populo leuitate et inconstantia insigni annos quosdam damus, quibus admiratio desideret, inuidia inualesceret, prauī rumores increbescerent. Etiam hoc Phidiae inuidiam augere poterat, quod interea operam suam iis vendiderat, quos breui hostes patriae fore iam quisque augurabatur. Tum iis illa institui poterat, in qua pleraque tam extraordinaria agebantur, vt quanto tum odio flagrauerint Periclis amici, inde quam maxime appareant. Cum enim Meno quidam, ex operis Phidiae, ad aram in foro supplex consedisset, populūque rogasset, vt ipsi impune liceret Phidiam ob crimen in Minervae signo faciendo deferre, iaque primum ei crimen peculatus intulisset, quod aurum ad vestem deae destinatum non plenum insumserit, hanc quidem accusationem Phidias egregie propulsauit eo quod auream vestem ab imagine demtam et libratam iustum habere pondus demonstrauit o); sed statim alia ab oratoribus factionis aduersariae obmota est laesam Phidiae numinis sanctitatem exprobrantibus, quod Periclis suamque effigiem deae scuto clam intulerit, tumque plebem variis, vt fit, motibus fluctuantem, nam in comitiis omnis res agebatur, homines factiosi eo perpulere, vt rogante Glycone Menoni vectigalium immunitas praemio daretur, et duces ad bellum delecti, tanquam a factione Periclis homini summum immineret periculum, eum securum praestare iuberentur, Phidias contra in carcerem abduce-

o) XXXXIV. talentorum nempe, vt Philochorus l. l. Diodorus XII. 40. numerum suxit ad L. (Hinc nata sunt. quae Suidas s. v. *Φιδίας*, qui in ceteris Schollis ad Pacem sequitur, de peculatu L. talentorum habet.) Thucyd. II. 13. XXXX. tantum talentis numerat, cuius verba: ἀπὸ Φιδίᾳ δ' ἔχον τὸ ἄγχιμα ταπεινίστατα τὰ πάντα σταδμὸν χρυσίου ἀπὸ Φιδίου καὶ περιμειρόν αὐτὰς ἄπαν, remouent plane doblationem, qua laborat Heyne l. l. p. 192. v. Boeckh. Oecon. publ. Athen. I. p. 479. Philochori et Thucydida testimonia conciliare studet Quair. de Quincy p. 232. Inuisa quaedam de Periclis et Phidiae peculatu profert Scholiū in Nubes 861. II.

tur, in quo iudicium de capite opperiens, nam populus praecidium tantum tulerat *p*), morbo correptus est atque diem supremum obiit *q*). Phidiam obiisse, Philochorus auctor est, Pythodoro archonte, in quo eum scriptorem verum puto, cum is archon Olymp. LXXXVII a. 1. in magistratu fuerit, quanquam in eo falsum fuisse iam demonstrauimus, quod rumorem quendam secutus, quo scilicet inuidia Phidiae necati ab Athenis remoueretur, Eleos eius facinoris insinulauit, et ex vna eademque lite duas effecit, cuiusmodi geminationes non rarae sunt in Historia antiqua. Obiit igitur Phidias eodem tempore, quo vltimum Periclis opus, Propylaea, perfecta sunt, quae inde ab Olymp. LXXXV. a. 4. vsque ad LXXXVII. a. 1. struebantur *r*); itaque verum esse potest, quod Plutarchus dicit, in *omnibus* operibus publicis, quorum curator erat Pericles, Phidiae consilium et artis peritiam ipsi affuisse, quanquam, si alia obstarent, certo hinc colligere non liceret, nullum ex illis post Phidiae mortem absolui potuisse *s*).

17. Sic igitur rationes nostrae sibi constant. *Phidiam inde ab Olympiade LXXXII vel LXXXIII. publica Atheniensium opera Pericle epistata consilio suo rexisse et manuum honore nobilitasse, atque Parthenoni Ol. LXXXV. anno tertio ineunte signum deae intulisse χρυσέλεφάντινον; mox, cum nomen eius inter Graecos egregie floreret, Elidem vocatum abiisse deque signum*

p) Omnis enim actio, ut Plutarchus indicat, *μύνησι* fuerat, de qua v. Schoemann de Comit. p. 249. Platner der Proceß und die Klagen T. I. p. 353 sqq. Meno non accusat sed *μύνησι*, quippe Phidiae quodammodo subditus, populus rem persequitur, iudici quamvis mendaci *μύνησι* tribuuntur. Cf. Platner p. 360.

q) V. Plutarch. Pericl. 31. Minus fiducia tribuo Diodoro XII, 39. Phidiam capitia poenam fuisse, inter veteres tantum alterum Schol. ad Pacem 604. narrat.

r) Heliodorus ap. Harpocrat. s. v. Προπύλαι. cf. Photium s. v.

s) Vt Quatremère p. 223. contra Heynium obseruauit.

condidisse inde ab Ol. LXXXV. a. 3. ad LXXXVI. a. 3. Quo absoluto Athenas reuersum et populi vel factionis cuiusdam in Periclem odio correptum anno fere Olympiadis LXXXVI quarto publicae accusationis discrimen subiisse et cum in carcerem coniectus esset, archonte Pythodoro, Ol. LXXXVII, 1. diem supremum obiisse 1).

- 2) Quodsi Scholii ad Aristoph. Pacem 604. nexum attente consideraueris: Φιλόχαρος ἐπὶ Πυθόδωρον ἀρχοντας ταῦτά Φησι· καὶ τὸ ἀγαλλμα τὸ χρυσεὺν τῆς Ἀθηνᾶς ἐστὶν εἰς τὸν νεῶν τὸν μέγαν ἔχον χρυσίου σταθμὸν ταλάντων μδ', Περικλέους ἐπιστατοῦντος, Φειδίου δὲ ποιήσαντος. καὶ Φειδίας ὁ ποιήσας δέξας παραλογίζεσθαι τὸν ἀλάφαινον τὸν εἰς τὰς Φολίδας ἐκρίθη. καὶ Φυγὼν εἰς Ἥλιον ἐργολαβῆσαι τὸ ἀγαλλμα τοῦ Διὸς τοῦ ἐν Ὀλυμπίῃ λέγεται (hic Heyne l. l. fragmentum Philochori terminari putat, sed nulla de causa, si quid video), τοῦτο δὲ ἐξηρασάμενος ἀποθανεῖν ὑπὸ Ἡλείων ἐπὶ Σκυροδωρῶν, ὅς ἐστιν ἄπὸ τούτου ἔβλεμος: vix dubius haerere potes, Palmerium Exercitat. p. 746. sique Corsinum F. A. II, 1. p. 217. loco priore recte reposuisset ἐπὶ Θεσοδώραν ἀρχοντας, altero ἐπὶ Πυθόδωρον, quanquam Heyne l. l. obnititur, Pythodorus enim, Archon Ol. 87, 1., e computatione veterum solita septimus est a Theodoro, Olymp. 85, 3., quo archonte Minervam dedicatam etiam Eusebins probare potest. Et facile percipitur, eum qui in fine Scholii addidit: ἑστὰ ἔτασι πρότερον τῆς τοῦ πολέμου ἀρχῆς τῶν περὶ Φειδίαν γυναικῶν, altero loco adhuc legisse: ἐπὶ Πυθόδωρον, quo archonte bellum Peloponnesiacum motum est. Quae alterum, idque breuius, Scholium avertit, partim e priore partim ex aliis derivata leuioris notae sunt. — Sed Corsinum quancum in lectione Scholii constituende verum vidisse arbitror, in ceteris non sequor, quippe qui Philochori rationes omnes suas fecit, quae cur deteriores habeam, supra significavi. Etiam id erravit, quod Plutarchum opinatur, Pericl. 14. Thucydidem expulsum dicere post item Phidiae (F. A. p. 220); cum ex eo loco id tantum colligi possit, Periclem magno operum publicorum molimine inuidiam iam excitasse ante Thucydidis ostracismum.

18. Haec autem posita viam nobis demum struunt ad *aetatem* Phidiae atque tempus, quo natus sit, constituendum. Phidias enim, quum Minervam in Parthenone inscribere a ciuibus ipsi non concederetur, in clypeo deae sui similem speciem incluserat, eo artificio, sicut fama multum in antiquitate celebrata ferebat, vt, si quis eam separare voluisset, soluenda esset compago simulacri totius. Ea autem species erat senis calui vel subcalui *u*), quum certe non induisset Phidias, si iuuenis adhuc fuisset bene capillatus. Statuamus fuisse *quinguenarium*. Senioreni enim fuisse, si cui fortasse placet, ne honor capillitii maturius defluxisse videatur, improbable puto ob amorem Pantarcis, quo sese, dum louem faceret, summpere flagrare tum sigillo pueri in solio efficto, tum nomine eiusdem prodidit litteris minutulis Iouis digito ita inscripto: Παντάρκης καλός *x*). Ex qua inscriptione sane elucet vel amoris vesanus furor, vel certe irreuerens quaedam et insolens festiuitas. Cum enim apud Graecos amasii pueris, qui gymnasiolorum decora et flores habebantur, vasa fictilia dono ferentes, παῖς καλός inscribere solerent, atque Athenis, si quis puer ob venustatem celebrabatur, toti parietes verbis: ὁ δεῖνα καλός, implerentur: Phidias summi dei imaginem ab vniuersa Graecia sanctissime cultam non reformidabat testem et documentum furoris facere. Ea vero animi libido etiam inter Graecos sexagenarium vel sexagenario maiorem

u) V. Plutarch. Pericl. 31. cf. Dio Chrysost. Or. XII. p. 195. Aristot. de mundo 6. p. 863. ed. Duval. Θανμαστ. ἀκουσθ. c. 166. p. 340. ed. Beckmann. Cicero Tusc. Quaes. I. 15. Orat. 71. Valer. Max. VIII. 14. Apulej. de mundo p. 72. ed. Elmenh. Ampel. lib. memor. 8.

x) V. de ea re Clement. Alexandr. Cohort. p. 16, 12. Arnob. adv. gent. VI. 13. Photii Lex. p. 482, 19. Nazianz. Carm. Jamb. 18, T. II. p. 184. ed. Venetae, eam narrationem transtulit ad Minervae digitum. Ridiculi sunt, qui vt Phidiam excusent, Pantarcis nomine Ionem ab eo celebratum fingunt. V. Chrystal upon the painted Greek vases (1825) p. 8.

dedecisset, et a populo, καὶδὲν in quavis re studiose observante, intempestiva et deridicula habita esset y). At fortasse praestiterit non vti hoc argumento quippe a re turpicula ducto, quanquam historia nihil sibi alienum putare debet, quod ad vitam humanam pertinet. Tum ipso Phidiae ingenio, quod, cum Iouem faceret, summopere florebat et tum demum summum, quo enitebatur, gradum assecutum est, uterer documento, hominem virili adhuc atque vegeta aetate tum esse gaudium. Iam igitur si a tempore Minervae atque Iovis positorum, i. e. ab Olymp. LXXXV et LXXXVI, ad priora regredimur: Phidiam Olymp. fere LXXXIII natum esse iuuenimus, quod tempus supra iam indicavimus: cui aliquot annos fortasse is, cui argumenta proposita laxiora videntur, vel addere vel demere poterit; sed sub bella Persica Phidiam iam floruisse, nemo sibi posthaec persuadere poterit.

19. Cum in hac disquisitione externum tantum, quem vocant, et civilem vitae conditionem spectare nobis proposuerimus, et quaestionem de eo, quid in arte praestiterit et quo eam euexerit Phidias, altera sequente soluendam destinemus: vix quidquam superest, quod ad illam illustrandam faciat, nisi ut *discipulorum* ratio habeatur, sine quibus Phidias, si artificem ex operum mole et magnitudine metimur, tantus artifex non fuisset. Nam cum Phidiae permulti adolescentes traderentur, ut mercedē pacta artis prae-

y) Contra dicere possis, etiam Pindarum octogenarium Theoxeni pueri amore flagrasse, in cuius sinu diem supremum obisse fertur, et in quem Scolium illud fecit celeberrimum: Χρῆν μὲν κατὰ καὶδὲν ἁρώτων δρέκασθαι, θανά, σὺν ἀλκιγ' τὰς δὲ Θεοξένου αὐτῆς τις ἔστων μαρμαρίζοντας θανάς ἐς μὴ πύθῃ πυμνέσθαι, ἔξ ἀδάμαντος ἢ σιδάρου περὶκλῆσθαι, μέλαιναν καρδίαν ψυχρῇ φλογί. Sed quae de obitu traduntur, fabulae persimilia sunt, et in hoc Scolio magis agnosco ingenii lusu, quam cupiditatis, quae in octogenario deridicula fuisset, feruorem.

cepta et vsum eos doceret z): eos, quos feliciore ad eam indole natos videret, ad opera illa adhibuisse putandus est, quae nou modo opificum sed et artificum multorum manibus indigebant. Iidemque erant, per quos Phidias viuum artis spiritum ad posteras aetates transfundebat, disciplinaque artis vere Attica producebatur, quam etiam in marmorariis, qui cippos vrnasque sepulcrales sculpebant, et hodie agnoscere possumus a). Horum discipulorum celeberrimus facile erat *Alcámenes*, Atheniensis, quem Phidias ipse iuuenis instituit, si modo recte Plinius illum inter artifices Olym-

z) Plato Protagora p.311.

a) In anaglyphis sepulcralibus ex via ad Ceresmicum vel aliis locis in vicinia Athenarum in Musca nostra delatis idem persaepe artis χαρακτήρprehenditur, qui in pompa Panathenaica de Parthenone sumpta exstat. Idem enim inest figurarum, ex vetere canone quadratarum, numerus, eisdem membrorum compositio, vestitusque decora simplicitas, et quam in operibus Phidias summopere miramur, natiua et infusa quaedam gratia neque ab illis plane abest. Exempla sffero monumentum Xanthippi in Museo Britanico (Sixth Room n.23.) et quaedam anaglypha a Comite Forbino, si recte relatum accepi, ex Attica in Museum Parisiense delata, inter quae ob elegantiam et pulcritudinem maxime laudandum est id, cuius titulum Bockhius edidit Corp. Inscr. T.I. p.538. n.960., et aliud in quo tantum litterae AT agnoscuntur. Etiam in vasis marmoreae quae exstant anaglypha, quanquam tenuissime adumbrata, saepe Atticum characterem referunt, vt in vasis Mesathoniis a Fauvello eratis in Museo Parisiensi (n.705. 708. Catal. de Clarac; titulos vide in Corp. Inscr. p.546. n.1009. 1010; imagines pessime e lineis Fourmonti expressae sunt ap. Caylum Recueil T.VI. tb.50, 1.). Sed operi caelato in zophoro cellae Hecatompedi similis etiam est anaglyphum, quod marmor Caseolinum ornat, titulo suo celeberrimum (Corp. Inscr. p.249. n.147., vbi satis dilucide describitur). Eadem est corporum figura, idem vestium cultus, quanquam id anaglyphum non potest esse sculptum ante Olymp. 92. a.3., nonum et vigesimum post Hecatompodon absolutum.

piade LXXXIII florentes recensuit. Itaque cum Phidias Elideni decederet, Alcamenes cum secutus propriam in fastigio templi statuis exornando laudem mereri poterat. Neque is vestigia magistri anxie pressisse, sed potius aliquantum ab illo alienatus esse videtur. Quid quod cum ipso Phidia in arenam certaminis descendit, sed cum figuram colosseam et e longinquo conspiciendam ad eandem regulam fecisset ac si oculis prope adnotis examinanda esset, prudentiorum iudicio victus abiit *b*). Viuo adhuc Phidia Venerem fecit in hortis, de qua postea sermonem instituemus. Vixit autem per totum bellum Peloponnesiacum magistro superstes. Horum tamen temporum difficultas effecit, ut artificum Atticorum sollertia in domesticis fere tantum templis sese exercere, et ne in his quidem grande aliquid et magnificum praestare posset, cum aerarii opes in classes atque exercitus instruendos absumerentur. Quo factum ut opera Alcamenis, quae a Pausania recensentur *c*), omnia fere in arce et vrbe Athenarum posita reperiuntur *d*); neque vllum eorum ob magnificentiam et splendorem vehementer laudetur. Duo tantum, praeter signa illa Elea, memorata inuenio opera ab Alcamine extra Atticam posita, quorum alterum, Aesculapium Mantinea in Arcadia cultum, faciendum conducere poterat post foedus Olympiadis LXXXIX. a. 4. ab Atheniensibus cum Mantineensibus ictum *e*); alterum, Minerva et Hercules, colossica specie in Heracleo Thebarum caelati *f*), argumento est, Alcamenem etiam post bellum Peloponnesiacum artem facitasse. Eae enim deorum imagines a Thrasybulo post trigintauiros expulsos dedicateae erant, gratiae documento, quam liberator Athenarum Thebanis pro hospitio

b) Tacet. Chil. hist. 193. Chil. VIII, 340.

c) I, 2, 4, 8, 5, 20, 2, 24, 3, II, 30, 2.

d) Etiam Plinius XXXVI, 4, 4, 3. dicit: cuius sunt opera *Athenis* complura in aedibus sacris.

e) Paus. VIII, 9, 1.

f) Id. IX, 11, 4.

habebat; et ob id ipsum Hercules cum Minerva coniunctus erat, ille Thebarum, haec Atheniensium numen, ut earum civitatum amica societas indicaretur. Itaque aetas Alcamenis satis certa est; de patria hoc tantum addendum, eum a [vetere Lexicographo *g*)] *Lemnium* dici. Neque id pugnat cum auctoritate horum, qui Atheniensem dicunt. Erat enim, ut arbitror, e numero eorum civium, quibus populus Atheniensium agros in insula Lemno distribuerat cleruchicos, eorundem, quibus Phidias venustissimam illam Miner-
vam fecerat, quam in arce Athenarum dedicatam Lemniam vocabant. Hi tamen non modo Athenarum civitati, sed etiam tribubus et pagis adscripti manebant *h*). Alcamenem autem urbe relicta sedem fixisse Lemni, inde non certo potest colligi, cum cleruchis domi manere et praedia aliis colenda tradere persaepe concederetur. Crediderim tamen, per aliquod tempus vixisse eum in insula metallorum opificina olim celebri *i*) (nam etiam in aere elaboravit Alcamenes *k*), propterea quod *νησιώτης*, insularis homo, cognominatur *l*), quod cognomen ex praediis insularibus difficiliter etiam quam Lemnii appellationem trahere poterat.

g) A Sulda s. v. *Ἀλαμ.*, ubi Isaac Vossius perperam *ἑ Δίμνιος*, (quod verbum nusquam legere memini) a Limnia, coniecit.

h) V. Boeckh Corp. Inscr. ad n. 108 et 168. b. Oecon. publ. Ath. I. p. 461.

i) V. Welcker de Aeschylī trilogia p. 206. 209.

k) Plin. XXXIV, 8, 19, 12. Tzetzes loco laudando *χαλκουργόν* dicit.

l) Tzetzes. Chil. VIII. bist. 193. v. 340. Hic iterum quaestionem moneo de artifice *καὶ ἑξοχὴν νησιώτην* dicto, inchoatam Aeginetleis p. 102.. dehinc tractatam a Fr. Thierach de epochis artis II. Not. p. 34. (cf. Schorn de studiis artif. Graec. p. 206. n. 33.), quem ut mea emendasse libenter confiteor, ita de suis nonnulla mihi nunc concessurum spero. Sed plene exhibenda, quae ad eam quaestionem pertinent. Lucianus de rhet. praec. 9. artifices praescire artis Hegesiam et Critilam *τὸν νησιώτην* appellat. Idem Critias *ἑ νησιώτης* ab eodem, Philops. 18., Harmodium et Aristagionem tyrannicidas aere po-

20. Alter Phidiae discipulus, *Agoracritus* Parius, quanquam fama minor Alcмене, quippe quem antiquitas proximo post Phi-

suise dicitur, quos scimus factos esse, postquam priores Antenoriam astatu Xerxes abetuleret, paucis post pugnam Salaminis annis, cf. Pausan. I, 8, 5. Arrian. Exped. Alex. lib. 16, 4. Marm. Par. Ep. 55. Iam hinc intelligitur, Critiam τὸν νησιώτην eundem esse qui alibi δ' Ἀρριανός appellatur. E Luciano autem Plinium XXXIV, 8, 19. correxit primus Hadr. Iunius: Quo eodem tempore (Olymp. LXXXIII.) aemuli eius (Phidiae) fuerunt Alcmenes, Critias Nesiotas (vgo Nestocles), Hegias (idem qui alibi Hegesias). Coniecturam Nesiotas ut suam profert Gedoyus in Vita Phidiae, male perscripta, in Act. Acad. Inscr. Gallicae T. IX. p. 190. Atque eodem plane modo nomina duo priora coniunguntur a Plutarcho resp. ger. praec. 5. p. 146. H., artifices recensente Alcamenem et Nesiotam et Ictinum, ubi Nesiotam ipsum illum Critiam esse dubitari nequit (minus recte tractavit locum Wytttenbachius, pessime Reiskius), atque apparet, Atticum hominem significari, cum omnia ibi exempla ex Atheniensium republica petantur. Iam insulam Atticam, unde Critias nomen nactus est, Thierschius vnam illarum putat, quae siue insulae siue saxa appellare solent, circa Atticam disiectae iacent, ut insula Patroclii, Helena aliaeque. Id vero improbabile, cum temporibus liberae Athenarum RP. homines Helena oriundi nunquam memorentur, ita ut nullus ibi demum fuisse videatur. Cf. Boeckh de metallis Laurii in Actis Ac. Berol. 2. 1816. p. 110. Neque Belbinitem putaverim, cum Belbinita et Atheniensis sibi opponantur, Herod. VIII, 125. Potius Salaminium dixerim, nisi ex iis, quae de Alcмене tradidi, probabilior ratio se offerret. Nempe etiam Critias et cleruchis Lemnii fuisse atque eodem in ea insula fixas videtur. Neque veri dissimile, Alcamenem, cum in Lemno insula viveret, Critiae institutione suum esse, quapropter utriusque nomen a Plinio et Plutarcho coniungitur, postea autem in Phidiae disciplinam transiisse, sed ita ut huic sese non totum dederet. Critiam diutius in ea insula vixisse necesse, quod inde colligo, quod nomen τὸν νησιώτην huic magis, quam Alcμενι, adhaesit. Fortasse etiam cum officinis quadam aerarioium Lemnia coniunctus erat,

diam gradu collocavit *m*), magistro tamen magis acceptus fuisse videtur, cuius gratiam etiam aetatis flore meruisse traditur *n*). Hinc puerum adhuc illius disciplinae traditum esse colligimus. Atque eum coniunctissimum fuisse cum Phidia etiam hinc intelligitur, quod perpauca ipsius memorantur opera, et nulla fere, quae veteres scriptores non dubitent vtrum Phidiae fuerint an Agoracriti *o*). Nempe hisce vtrumque manum admouisse, fama seruaerat; in aliis in quibus discipulus magistro operam suam commodauerat, minus illustre nomen splendidiore penitus obscuratum erat. Contraria quidem his narrare videtur Plinius: Phidiam e suis operibus pleraque Agoracriti nomini donasse; sed cum fama atque ambitio possidentium Agoracrito illustrius nomen praeferret, dona illa ad magistrum relata esse videntur. Sed ex illis signis, quae cuius sint dubitatur, sunt Magna Mater in Metroo Athenarum, quam Agoracriti Plinius *p*), ceteri Phidiae tribuunt *q*), atque Nemesis Rhamnusia. Id signum colosseum, nam decem cubita altum erat *r*), cum crisin archaeologorum iam saepius exercuerit *s*), paucis tantum exponam,

quae a statuariis Samlis, qui ibi artem facit anere (Aeginet. p. 99.), atque a Glauco Chio (Amalth. III. p. 25.), vel, si vis, ab antiquis Lemni Aetbalidis et Hephaestiadis originem repebat.

m) Paus. V, 10, 2.

n) Plin. XXXVI, 4, 4, 3. Pausan. IX, 34, 1.

o) Pausanias tantum Iouem et Minervam Itoniam in aede ad Coronaeam opera Agoracriti habet, l. 1.

p) XXXVI, 4, 4, 3., quo loco non dubito, quin opus in Magnae Matris delubro ipsum sit esse signum.

q) Pausan. I, 3, 4. Arrian Peripl. Pont. Eux. apud Hudson Geogr. min. I, p. 9.

r) Hesych. s. v. Πανυνοῦσα. Cf. Strabo IX, 396 c.

s) Winckelmann Hist. Art. T. VI. p. 42. ed. Dresdens. Editores in Annotat. VI, II, p. 59. Herder de Nemesi (Zerstörte Blätter, zweite Samml.) p. 228. Zoëga Abhandlungen ed. Weicker p. 56. 62. et quae

quae mihi de eo vera vel certe probabilia videantur. Primum nihil plane obstat quominus famae receptae credamus, Athenienses et Alcameni et Agoracrito Venerem e marmore faciendam mandasse ea lege, ut sibi inde eligendi, quae potissimum placeret, optio esset, eoque consilio, ut utram optassent, ea in delubro deae in hortis (ἐν Κήποις) dedicaretur. Id vero signum, quod fieri volebant, si nobis mente fingimus, diligenter amouenda est imago Veneris, quae ut cuiusvis facile oculis obuersetur, opera artis iam emollitae et deliculae fere effecerunt. Verum prisca illa Venus, ut iam omnibus notum est, vestita fingeatur, nisi quod plerumque tunicae sinus laxatus et demissus alteram mammam leviter denudabat, neque vestita tantum sed diligenter culta et ornata, et vultu non meretriculam sed magnam quandam et caeli-potentem deam referente, denique sedentis specie, quia haec templorum cultui aptior videbatur. Iam Venus, quam Alcamenes fecit, Atheniensium iudicio potior habita est, et posterioribus etiam temporibus, cum ambitio omnis iam dudum deferbuisset, opus huius sculptoris absolutissimum censebatur atque maxime ob oris et manuum pulcritudinem laudabatur *r*). Sunt tamen, qui Agoracritum non opere sed civitatis studio contra peregrinum suo fauentis victum esse tradant *u*). Et profecto spernendum et hoc opus esse non poterat, cui ipse Phidias manum vel reuera adhibuit vel adhibuisse dicebatur, ita ut, licet tabellae appensae ΑΓΟΡΑΚΡΙΤΟΣ ΠΑΡΙΟΣ ΕΠΟΙΕΣΕΝ inscriptum esset *x*), Phidias tamen a plerisque scriptoribus auctor signi nuncuparetur *y*). Quin id M. Te-

Welcker addidit p.417. H. Meyer Art. Hist. II, p.83. Siebelis ad Pausan. I, 33. p.424 sq.

r) Lucian. Imag. 6. cf. Paus. I, 19, 2.

u) Plin. XXXVI, 4, 3.

x) Antigon. Caryl. ap. Zenob. Prov. Cent. V, 82. Tzetz. Chil. b. 154. Ch. VII, 930.

y) Paus. I, 33, 3. Pompon. Mela II, 3. Hesych. s. v. 'Ραμνεσία. Suid. s. v. 'Ραμνεσίαν. Photius Lex. 'Ραμνεσία p.482. 12. Tzetz. Chil. I. 1.

rentius Varro 2) omnium, quaecunque viderat, signorum summis laudibus extulit. Hoc igitur cum spreuissent Athenienses, Agoracritus vendidit Rhamnusiorum demo, ut ibi nomine Nemeseos poneretur. Quod fieri posse ne dubites, observandum, Nemesis Rhamnunte cultam, non modo inuidiam deorum, sed rerum omnium dispensatricem et moderatricem, numen fuisse Veneri illi primaeuæ haud dissimile a). Itaque mali arboris ramusculo nemo mirabatur, sicut Venerem, ita et Nemesis insigniri b). Cetera symbola, sicut coronam ceruis et Victoriis exornatam atque phialam Aethiopum, iustorum hominum, sigillis insignem, post signum marmore confectum e metallo adiecta putauerim, cum pateras, quas deorum imagines manibus tenebant, satis constet persaepe fuisse aureas. Etiam basin signi ab artifice tum denuum additam, postquam compertum habebat, Nemesis fore quod signi fecerat, anaglypha in ea exsculpta luculenter docent c).

Diodotus, cui quidam apud Strabonem IX, 396 c. hoc signum tribuunt, a ceteris ignoratur. Plinius de signo Alcmenis: huic summam manum ipse Phidias imposuisse dicitur, affirmans (XXXVI, 4. 3.) de alio cogitare, de alio loqui videtur. — Welckerus l. l. cum aliis dubitat, an aliud sit signum, quod Phidias et quod Agoracrito tribuitur, atque etiam hoc ad fati *ἄριστον* declarandam inuentum explicatur a grammatico, quod Athenienses signum aspernati essent, postea Nemeseos sub specie summis laudibus nobilitatum. Fateor sedulo cauendum esse, ne inuenitis sophisticis et epigrammaticis fallamur; nihilominus, cum in hac narratione nihil plane rebus aliunde cognitum refragetur, hanc certe veram habeo.

2) Apud Pllu. l. l.

a) Suidas et Photius II, II, de Nemesis: αὐτῇ πρῶτον ἀφιέρουεν ἐν Ἀφροδίτῃς στήματι.

b) V. de eo praeter Pausaniam Hesychium, Suidam, Photium, Zenobium II, II.

c) Nam quod primo loco caelatum erat, Helena a Leda ad Nemesis deducta, Paus. I, 33, 7., id tantum ad Nemeseos fabulas referri

21. Haec de Agoracrito. De *Colote* praeter ea quae superiore loco attulimus, nihil relatu dignius affectur d). Neque de *Paonio Mendaeo*. Sed fortasse *Phidiae* discipulis addi poterit *Theocosmus Megarensis*. Is enim, quanquam *Phidia* multo iunior, quippe qui etiam post pugnam ad *Aegospotamon* artem exercebat e), tamen ab illo in Ioue ex auro et ebore fingendo adiuuabatur, quod facit ut nexu quodam disciplinae eos coniunctos putem f). Sed confectioni eius signi obstitisse videtur casus ille, qui bello Peloponnesiaco faciem praetulit; atque *Phidia* e viuis exempto *Theocosmus* Iouem absolvere solus vel non audebat, vel operis magnificentia opes ciuitatis superabat. Ita factum, ut ad posteriora usque tempora facies tantum dei ex auro et ebore colligata splenderet, sed reliquum corpus gypso tantum atque luto suppletum esset.

potest, non ad Venerem. Cetera idem filum sequuntur, cum ad *Tyndaridarum* et *Pelopidarum* gentes spectent, excepta anaglyphorum extrema parte, qua heroes pagi vicini, *Oenose* (est *Oenoe* *Aeantidos* tribus pagus), exhibebantur. Scripsi haec maxime ob Annotat. in Winkelm. Opp. T. VI, 2. p. 61.

d) Status philosophorum fecisse, *Plinius* XXXIV, 8, 19, 27. Non credo.

e) *Pausan.* X, 9, 4.

f) *Paus.* I, 40, 3.

DE
PHIDIAE VITA
COMMENTATIO ALTERA
C. ODOFR. MUELLERI,

RECITATA IN CONSENSU SOC. REG. D. XXX. APRILIS A. MDCCCXV.

1. Superiore tractatu ex antiquorum scriptorum locis narrationem de ea Phidiae vita contexuimus, quae in omnium conspectu agebatur. Quo nobis viam munuisse videmur ad cognoscendam eam hominis vitam, quae ingenii actione continetur, quam interiorum dicere solent. Eam quidem in Phidia fere omnem artis, quam nunc plasticam dicere solemus, studio transigi necesse, cum huic omnem, quae in eo erat, animi vim, ingenii alacritatem, agendi sollertiam impenderit. Atque agendi gnauam sollertiam iam agnoscimus in multiplici varioque, quo is vnus vir excellebat, artis exercendae genere. Nam de tabulis, quas pinxit, supra vidimus; idem autem ex aere statuas posuit; idem marmora sculpsit, quod praeter Aristotelis aliorumque loca a) dunc Veneres demonstrant, quas

a) Σοφὸς λιθοργός, Ethic. ad Nicom. VI, 7. cf. Hesych. T. II. p. 1506. Φειδίας λιθορῶν. A Dionysio, de Dinarcho 7, Phidias γλυφῶς Poly-
ceto πλάσσει opponitur. Tzetz. Chil. VIII. b. 192. v. 328. de Phidia:
καὶ ἀνδριάντας χαλκοῦργων καὶ γλυφῶν (ex marmore) δὲ καὶ ξύλων (ex
ebore). Etiam Minervam in Hecatompedo e marmore facturus erat,
nī Athenienses eam pretiosiore materia consistere iussissent. Vaier.
Max. I, 1 ext. 7.

eius manu sculptas antiqui auctores memorant *b*); idem denique toreutices siue caelaturae peritissimus, et in signis ex auro et ebore colligandis, quam fabricam veteres scriptores eodem vocabulo Graeco complectuntur, eximius erat. Quid quod ei, cui Pericles omnia, quibus Athenae tum exornabantur, opera regenda et gubernanda tradidit, cuiusvis artis, etiam architecturae, peritia inesse debebat. Et cum in aedibus illis struendis et poliendis ornandisque fabri tignarii, aerarii, lapidariae, tectores, sculptores, tinctorum, pictores, fictores, aurifuges, eboris ducendi et colligandi periti, aulaeorum textores plumariiue assidue occupati essent: his omnibus dux et imperator praeerat vnus Phidias. Sed is quo maiore ambitu artem exercebat, si operis atque materiae ratio habetur, eo angustioribus finibus sese continebat, si, quibus posueris, spectas. Etenim diis fere solis is artifex artem suam consecrauerat, ita vt inter statuas et signa eius manu sculpta, quotcunque ab antiquis commemorantur, hominis nulla occurrat imago nisi pueri ab ipso dilecti Pantarcis *c*). Quod si verum, haud scio an Quinctilianus *d*) reprehensio inanis sit: Phidiam diis quam hominibus efficiendis meliorem artificem fuisse. Contra athleticarum imaginum fabricam, quamuis ars adolescens et vinculis praeae pietatis sese exsol-

b) Altera Parlo saxo excisa Athenis, Paus. I, 14, 6., altera, de qua Plin. XXXVI, 4, 4, 3., tum Romae in Octaviae porticibus posita. Eleorum Venerem Uraniam Phidias ex auro et ebore fecerat. Quod autem Scholia in Gregor. Nazianz. ap. Gaisford. Catal. Mss. Clarkian. p. 36., quae de Phidia permixta narrant, etiam Venerem ei tribuunt, quae spectantem quemuis libidinose commouerit, a Phidiae aetate characterem plane abhorret.

c) Nam Pantarcen a Pausania VI, 4, 3. peritis significari, mihi cum Kuhnio persuasissimum est. Atque egregie Siebelis rationem ostendit, cur eadem statua et hic et VI, 10, 2. memoretur. — Igitur duo signa pellata, de quibus Plin. XXXIV, 8, 19. heroum imagines fuisse videntur.

d) Instit. XII, 10.

vere gestiens magna inde ceperit incrementa, aspernatus est is, qui absoluta iam et matura arte ad summa quaeque praestanda utebatur: ex quo perspicitur, qua se ipse dignatione Phidias habuerit.

2. Eandem vero ei dignitatem tribuit vnanimis et aequalium et posteriorum in antiquitate consensus, qui eo maioris faciendus est, quo magis temporibus mutari et pro ingeniorum varietate inter se distare alias de artis operibus hominum iudicia videmus. Sed Phidiam nemo fere erat, qui non omnibus anteposuerit *e*), nemo, qui in vlla artis parte necessaria reprehendere ausus sit, ita vt morosas omnes et iniquas cauillationes antiquitas reliquerit iis, qui nostris temporibus ieiuni scilicet et artis instinctu intacti critici audire cupiant. Iouem Olympium Phidiae Plinio teste *f*) nemo aemulabatur, quippe qui Quinctiliano auctore *g*) adiecisse aliquid etiam receptae religioni videbatur, adeo maiestas operis deum aequauit. Et quid ad laudem signi alicuius efficacius dici potest, quam habitum esse infortunium, si quis, antequam id conspexerit, diem obiret *h*), contra omnium malorum, quae aliquis perpassus sit, eius signi aspectum esse Nepenthes *i*). Sed in laudando hoc vno signo multum grassata est Graecorum facundia, quae quidem alias in operibus artis describendis loquacitatis non arguitur, verborumque strepentium inani iactatione multum cedit nostris hominibus.

3. At fuere tamen etiam inter antiquos, qui in quibusdam Phidiae antecellere statuerent Polyoletum, et hunc Ageladae disci-

e) Quod Pausanias Onatam nullo Atticorum inferiorem dicit, singulari artia Aegineticae studio tribuo.

f) XXXIV, 8.

g) Instit. XII, 10. cf. Polyb. Exc. XXX, 14, 3., vnde hancit Suidas s. v. *Phidias*. Cf. Liv. XLV, 28.

h) Arrian. Epictet. I, 6.

i) Dio Chrysost. Or. XII. p. 208.

pulum et Iunonis apud Argiuos statuæ auctorem. De qua vbi loquitur Strabo *k*), *Polycleti signa eburnea, quanquam a colossis Phidiae granditate et magnificentia superentur, omnibus tamen arte præstare, affirmat. At aperte refragatur Quintilianus, qui Phidiam in ebore longe citra æmulum fuisse narrat, sed facit cum Strabone Plinius, toreuticen (quæ ars etiam in ebore et auro componendo versabatur) a Phidia apertam et demonstratam dicens, sed consummatam a Polycleto. At Strabo et Plinius ex mea quidem opinione nihil aliud his verbis significant nisi quod in materia tractanda, in ebore secando, poliendo, conglutinando quædam a Phidia adhuc ignorata adinuenit Polycletus, quippe qui Iunonem nonnullis annis post Iouem Olympiæ positum fecit. Eaque opinio inde subsidium nanciscitur, quod cum ebur in Iouis simulacro aliquot annis post solutum ruptumue hiaret eoque consarcinando Damophus Messenius magnam laudem et gratiam mereretur, nihil vsquam simile de Iunonis imagine relatum legitur. Quanquam neque Phidiae tempore ars eboris tractandi poterat esse inculta, quod causæ ne tibi e Plinii verbis sumas, cum eam plurimum antea sæculorum continuo vsu prouectam fuisse satis constet. Sed in his tamen, ut dixi, aliquid profecisse potest Polycletus. Nihilominus in signo vniuerso componendo, modulando et ad opticas quoque regulas committendo Phidiam summum iam artis gradum consecutum esse, docet antiquitas *l*), et nisi idem colorum rationem et effectum probe intellexisset, diuersus et multiplex eorum in hoc signo splendor oculos intolerabili vi percussisset et offendisset. Contra qui Polycleto fauent, niti possunt etiam iudicio artificum *m*), quo inter Amazonas in aede Dianæ Ephesiæ dedicatas maxime probabatur Poly-*

A) VIII, 372. cf. Quatremère-de-Quincy Jupiter Olympien p. 326 sqq.

l) Cf. Tzetz. Chil. VIII, 193.

m) V. Plin. N. H. XXXIV, 8. Etiam Xenophontens Socrates, Memorab. I, 4, 3., Polycletum ceteris omnibus artificibus præfert. Dubito, an Platonicus Phidiam primo loco posuisset.

cletea, alterum ab ea locum tenebat, quam Phidias ex aere fecerat. Sed ne ea diiudicatione abutamur, reputandum nihil fere Amazonis figura accommodatius fuisse Polycleti ingenio, quippe qui ultra laeues genas non audebat et in signis quadratis, stantibus vel leniter mouentibus, quales fuere viragines illae, summam laudem merebat. Atque ut liceat quaedam de Phidiae ingenio praeripere ut eius cum Polyeto comparatio institui posset: hic sine dubia regulae arti suae propriae scientissimus, modi mensuraeque intelligentissimus, decoris denique formaeque dignitatis erat observantissimus, ita ut, qui formis figurisque ipsis canonicisque quibusdam lineamentis artis summam inesse putarent, palmam ei libenter concederent: contra quibus persuasum est, ad animi sensus pulchriores vel, ut verbo utar, ad ideam quandam altiore et diuinam exprimendam humani corporis forma uti summum quemque artificem, eos omni aeuo Phidiam praeferre consentaneum erat *n*).

- n*) Ne in his, quae de *Polyeto* dixi, parum accurate distinxisse videar, moneo me cum Pausania nunc distinguere Polycletem Argivum maiorem, Iunonis signi auctorem, a minore quodam, Naucydis discipulo, Paus. VI, G. 4., sed me Argivum maiorem eundem arbitrari, qui a Plinio Sicyonius, Ageladae discipulus, canonis repletor et toreutices consummator dicitur. A Plinio hunc Sicyonium ab Argivo maiore non distingui scriptum, nam a quo toreuticeu consummatem rectius dixeris, quam ab eo cuius ἔκαστα χρυσολοφάντω Strabo dicit (loquitur autem de signo Argivo) τέχνη αὐτοῦ καλλίστη τῶν πάντων? Sed etiam cetera, quae de Polyeto Argivo et Sicyonio referuntur, cegre concinunt, ita ut Quintilian. verba (XII, 10.): *Diligentia ac decor in Polyeto supra ceteros: cui quamquam a plerisque tribuitur palma, tamen, ne nihil detrahatur etc.*, si Argivum et Sicyonium distinguere velis, plane incicias utri tribuas. Et cum multi sint scriptores, qui laudes Polycleti canant, num eos omnes aut incitiae aut summae negligentiae condemnabimus, quod nullus eorum duos esse Polycletos, utrumque in arte principem, Phidiaeque utramque aemulum, ne nutu quidem significavit? Deni-

4. Vt denique Polycletus artem in quibusdam rebus ultra Phidiam prouexerit: ipse iam profecerat a Phidia, cui quidem aequalis erat, sed nonnullis Olympiadibus, si primaria vtriusque opera spectas, posterior. Phidias autem quam longe post se reliquerit eos, qui ante eum artem factitauerant, iam inde intelligitur, quod nusquam cum iis eodem praestantiae et honoris gradu ponitur. Quid? nonne paene obliti fuisse videntur Athenienses omnium, quos ante Phidiam habuerant, artificum: tam raro nomen olim fortasse splendorum, sed Phidiae insequentis laude plane obscuratorum, Antenor, Hegiae, Critiae insularis, mentio iniicitur. Neque in ceteris artis domiciliis quisquam inter antiquiores artifices reperitur, qui Phidiae aemulus habitus sit. At cur haec dico? Ne putes, vt, panegyristae instar, Phidiae solius laudes eleuem, ceteros deprimam. Sed eo consilio, vt ostendatur, artem Graecam

que quomodo excusabimus et Plinium et Pausaniam, quod hic Sicyonii, illic Argini penitus obliti esse videtur? Iam vides atque notandum, Polycletum natione Sicyonium, cum in disciplinam Ageleadae Argini venisset, quod puto circa Ol. LXXX factum esse, et mox artis laude florere coepisset, domicilium fixisse Argis, in vrbe opificis tunc satis celebri, cumque ab Arginis, fortasse ob lunonem positam, ciuitate donatum esse. Haec opposui parti eorum, quae Thierschius disputauit, Epoch. art. II. not. p. 43. 62. Ceterum is Polycletus, Sicyonius idem atque Argiueus, Phidia aetate non maior sed minor erat, quippe qui lunonem Argiuam post sedem Ol. LXXXIX. 1. crematam posuit. Atque si Millichi lous signum statim post *τεὺς χιλίους* Argis electos factum ponis (Paus. II. 20. 2.): Polycletus maior eius auctor erit, idque opus Ol. LXXXX. 4. vel proximis annis peregrisse censendus; sin statua erecta est post *συναλισμὸν* (quod statua de Dorienensibus scribens L. III. 9. 1. p. 145.) de Polycleto minore, Nanydia discipulo, Olymp. XCV ad CI florente, cogitandum est. Neque Plinius, de Sicyonio agens, nisi enim Phidia minorem fuisse nouisset, ab hoc toreuticen inchoatam, ab illo consummatam dicere poterat.

sub Phidiae tempus *non continuo quodam progressu sensim* et pedetentim esse prouectam, sed *repentino motu atque impetu* ad altissimum, quem fere assecuta est, gradum tetendisse. His verbis significanti, in quibus summa huius disputationis continetur, et quae ut quam clarissima in luce ponantur allaborabo.

5. Quod ut fieri possit, inquirendum primo loco in rationem viamque, qua ars per aetates perihodosque temporum excolatur, crescat, inmutetur: quam vocabulo, quod recentiores non inepte confinxerunt, artis historiae *organismum* appellare poteris. De ea ratione primus in historia artis describenda cogitauit Ioannes Winckelmann, eoque vno iam, ut inter principes qui litteras illustrare, viros censeretur, meruit. Is enim viderat, etiamsi parum claris verbis expresserit, artem a populo quodam facitatem esse velut corpus quoddam vnum et totum, quod vitam agat continuam et cohaerentem, cuius sequens quodque momentum ab antecedente pendeat, et prius seminis instar, qualia futura sint posteriora, iam indicet; quod tamen non ita intellexeris velim, sicut multi intelligunt, ut in primo quodam causa necessaria quaerenda sit sequentium omnium, sed ea causa habeatur vitae totius conformatio et lex quaedam suprema, quae in singulis omnibus peraeque conspicitur o). Puto idem fere significare voluisse Iosephum Schelling in oratione, quam in consessu Academiae Monacensis habuit, de Winckelmanno ita pronunciantem: eum virum primum artis opera ad naturalium rerum rationem et leges considerasse, cum ante eum omnia, quaecunque ab hominibus peragerentur, ab arbitrio pendencia et lege omni soluta haberentur eaque mente tractarentur. Sed ut rem dilucidioribus verbis exponamus, non de arte vniuersa, sed de singulo artifice dicamus. Quod igitur artifex artem suam certo quodam modo exercet, eius rei causa primaria sita est in hominis

o) Cum his conferri pernelim, quae ingeniose disputauit egregius Batavus J. R. Thorbecke, Ueber das Wesen und den organischen Charakter der Geschichte. Göttingen 1824.

naturali indole, cuius causas quanquam indagare non possumus, id tamen affirmari poterit, hominem iam nasci populo nationique, ad quam pertinet, quodammodo conformem: alioquin nulla conformari posset populorum certa natura. Naturam autem hanc quae excollunt, dirigunt, formant, sunt exempla, opiniones receptae, institutio, est igitur aetatis populiue ingenium. Iam homo natura et institutione ad aetatem nationemque suam ita conformatus, ubi se ad artem colendam conuertit, accedit ad eam antecedentium artificum opera in certo quodam gradu constituta, atque eam vel eodem retinebit vel ad altiores euehet vel ad inferiorem delabi patietur. Quorum quid et quo quidque modo facturus sit, pendet tum ab hominis ingenio, tum vero ab ipso, quo bonae artes nunc consistere, gradu separatim considerando.

6. Varia enim et diuersa horum graduum est ratio et inter se coniunctio et affinitas, de quibus fere dicere licet, quae Cicero librorum de republica pluribus locis: *certum esse conuersionis cursum mirosque orbes et quasi circuitus in rebus publicis commutationum et vicissitudinum*. Potest esse ars statu quodam, in quo omnes acquieuerunt, tum quia meliorem, qui ea aetate viuunt, pro ingenii viribus assequi non valent, tum quia nihil est quod desiderium excitet et stimulum admoueant. Hunc statum auguramur fore diuturnum, eamque duraturum, donec ea hominum natio, in qua artes illae coluntur, eo usque adoleuerit, ut suam ipsa artem adspernetur. Alii gradui insitus est fortasse eiusmodi desiderii igniculus, atque homines notionem de praestantioribus operibus nescio unde imbibierunt, sed dormit ea quasi in pectoribus, inueterata consuetudinis mole oppressa et sepulta, ita ut ad eam suscitandam et explendam insolita quaedam requiratur virium contentio, et aenum virum exspectare debeat huic parem. Quid? nonne magna fiet mutatio, cum hic exoritur, et vix metuo, ne diu defuturus sit. Denique gradus sunt quam proximi aliis quibusdam, atque in eos quodammodo proni et inclinati, ita ut etiam mediocres vires eos attin-

gere queant, et ars, ut ita dicam, per hominum aetates ordinatim et leniter processura videatur. His gradibus tantum descripsiui vitam, quam ars separatim spectata agit; sed facile intelligitur, variari species, si in computationem adhibeas, quae externa aguntur. Quo fit, ut in rerum historicarum causis indagandis multitudine plerumque eorum, quorum ratio habenda est, fere occaecemur. Ut exemplum ponam, statuamus artem ad gradum peruenisse, unde ad alium prope situm facilis ille patet et proclivis transitus, sed bello diuturno, quod homines ad eam exercendam idoneos auocauerit, esse retardatam: iam silent arma, redeunt opifices, feruent denuo officinae, et nihil magis consentaneum, quam proximis annis magna et eximia praestari. At talia mitto, ut quae artis cursum quidem adiuuare vel ei moram et impedimentum afferre possunt, sed motus principium continere non possunt. Id contra vrgeo, quod ad nostram quaestionem maximi momenti esse videtur: artis non esse in eadem natione continuum et aequabilem semper processum, sed gressum modo tardiore atque segnem, modo velociorem et praecipitem, saepe etiam cursum et volatum, cuius celeritatem oculis vix assequi possis. Neque tamen eo tolli putes singulorum graduum inter se coniunctionem et naturalem quandam necessitudinem. Quid quod nulla plane intelligitur vita, quin post certum temporis decursum noua et ante incognita ad lucem proferat, quae proximorum, quae antecessere, nexu soluta esse viderentur, nisi ut inde naturaliter sequerentur, vniuersae vitae lex et norma efficeret. Itaque sicut in planta, cum florescit, noua existunt et a ceteris omnibus diuersa membra, atque vitae omnis ratio mutatur, siquidem quod antea totum fuerat in sua forma absoluenta, nunc nouae condendae caeco quodam appetitu regitur, atque ut eiusmodi ambitus et perihodi in omnibus rebus, quibus natura vim vitalem impertiuit, obseruantur *p*): ita etiam in eo vi-

p) Haud inutile erit ad hunc locum comparare, quae *Goethius* de Metamorphoseos plantarum legibus egregie obseruauit.

tae genere, quod mente et animi actione, neque tantum in singulis hominibus sed etiam in natione hominum, peragitur, sunt conuersiones quaedam, quibus quae efficiuntur, ex antecedentium serie non aliter fluunt, nisi quatenus hac absoluta nouam inchoare inbet ratio et lex vitae totius.

7. Quae omnia ne aliena a nostro loco putes, dicta ea confiteor contra eam de artis historia notionem, quam a Winckelmanno inde acceptam recentiores, ii maxime qui Winckelmanni opera cum commentariis in Germania edidere, excoluerunt et multi ad hunc vsque diem retinent *q*). His enim persuasum est de continuatione artis ab antiquissimis inde temporibus ad summum absoluteionis gradum, quem demum Praxitelem, Lysippum, Apellem assecutos dicunt, eaque tam arcta atque adstricta, vt nullus fuerit transitus non praeparatus, nulla via non affatim munita, nullus accessus non facilis et expeditus. Quae notio cum hominum animis fixa inhaereret, etiam de Phidia ita statuendum videbatur, vt, cum priores arti iam neruos atque lacertos addidissent, et grandes atque fortes diis tribuissent formas, is artifex cum grandi hoc validoque genere pulchrum ita coniunxerit, vt sublime assequeretur, suauē

q) Winckelmannus et ipse eam plerumque sequitur, quanquam idem Hist. art. IX, 2. Opp. T. VI. p. 32. faietur, artem ab Agelada ad eius discipulos repentino quodam motu et impetu prouectam esse, sicut poesin ab Aeschilo ad Sophoclem. (Quod quidem exemplum non conuenit.) Eadem notio regnat, vt dixi, in commentariis Winckelmanni operi adiectis (v. praecipue Opp. T. V. p. 517.) et in H. Meyeri Historia Artis, quem tamen iam ectypa marmorum Elginianorum docuere, artis iude a seniore genere ad absolutam formae dignitatem celeriore transitu statui debere. T. I. p. 297. Nunc autem plures eam impugnant, inter quos Fr. Thiersch eminet, cum ante illa opera accuratius cognita communi fere omnium opinione stabilita fuerit, quod etiam affirmat Quatremère-de-Quincy, litteris ad Canouam datis p. 107.

tamen et iucundum non contingeret, quippe qui in toto ponendo sedulus, quid elegans esset atque placeret in singulis, parum attenderet, et haecpropter in vestibus plicandis, capillis disponendis aliisque eiusmodi rebus rudem antiquitatis morem non emendaret. Haec si vera sunt, equidem profecto non intelligo, cur Phidiae vnus gloria nomina priorum artificum tantopere depresserit, praesertim cum pulchritudo, quae eius operibus tribuitur, seiuncta a suauitate res quaedam ambigua et obscura esse videatur. Iam igitur mihi officium imposuisse videor vt explicem, quid ex mea opinione Phidiacæ arti proprium fuerit ac singulare, eamque tanta intercapedine ab omni priorum molimine disiunxerit.

8. Id vero declarari non poterit, nisi prius, quem ad gradum ante Phidiam ars adducta fuerit, diligenter quaesitum fuerit. Huius vero cognitionis duo sunt fontes, sicut duplex omnino est materia, ex qua artis historia construitur. Tum enim scriptorum locis utimur, tum operum ad nostrum vsque diem seruatorum demonstratione. Sed quae scriptores suppeditant, quum nullus inter eos superstes sit, cui, quid quisque artifex praestiterit, docere propositum esset, omnia sunt pertenuia; ac de genere artis, quem stilum vocare solemus, per aetates immutato nihil fere relatum legeremus, nisi scriptores quidam rhetorici ad suae artis progressionem declarandam statuariae historiam in auxilium vocassent. Quae ab his dicuntur et significantur, si coniunxeris, haec efficiuntur. Callonis Aeginetae, quem post Olympiadem LX floruisse arbitrantur, signa duriora et Tuscanicis proxima fuisse; etiam Canachi Sicyonii, qui circa tempus bellorum Persicorum florebat, rigidiora quam vt veritatem imitentur; deinde Hegiam Critiamque, Canachi aequales, ob accuratam quidem sed seueriorem lineamentorum descriptionem atque nervos et toros austerius indicatos notari; iam minus rigida fuisse Calamidos, artificis egregii mox insecuti, signa; atque molliora omnibus supradictis Myronem fecisse, Phidiae aequalem, neque ta-

men etiam haec satis ad veritatem adducta r), ita vt, quam tenaciter arti etiam florentissimae priscus quidam rigor inhaeserit, appareat: quo magis observandum est, hunc ab antiquis nunquam reprehendi in Phidia. Sed quo pauciora sunt, quae hac ratione assequimur: eo plura scriptores recentiores altera illa via sibi comparare studuerunt, quae operibus ipsis, quorum auctores vel aetas saltem quae protulerit, probabiliter constitui possunt, historiam artis superstruit. Vitale sane et laudabile studium, nisi audacius interdum in eo grassata esset coniectandi licentia, tum certis antiquitatis sculptoribus signa adhuc exstantia ex arbitrio attribuens, tum etiam ea opera, quae ad certum auctorem nullomodo referri possunt, ita inter se connectens, vt seriem continuatam efficiant, quae intervallorum coniecturali quadam computatione, annorum certum spatium expleuisse creditur. In quo coniectandi genere persaepe etiam speciem veritatis desidero s); idque omnino tum tantum admitterem, si vna fuisset in vniuersa Graecia artis disciplina, quae quum artem continuo studio excoleret, suum exemplum omnes simul artifices sequi cogeret, ita vt, quod illa forte inuenisset, id statim vbique antiquioris artificii loco substitueretur. Sed eiusmodi *μοναρχία* in omni Graecorum vita non erat, et ars variis locis

r) Coniungimus loca Quintilianus Inst. XII, 10. Ciceronis Bruto 18, 70. Luciani de rhet. praec. 9.

s) Si ex gr. Henr. Meyer Artis hist. I. p. 33. opus anaglyphum in puteali Capitolino tempore arcae Cypseli, Genium aereum in aedibus Barberinis Rhoeci Theodorique aeno, vetustum Minervae caput in Museo Florentino Dipoeni et Scyllidos temporibus attribuit, aram triquetram Dresdensensem similem putat operi caelato in throno Apollinis Amyclaei, truncum Minervae ibidem asservatam Doryclidae Medontisque statuis, et quae plura eiusmodi vir de artis historia meritisimus eo loco *sic* *εἰς* *τὴν* *ἱστορίαν* hariolatur. Quod si statuis haec et anaglyphis tituli adessent, de plerisque longe aliter iudicatum iri, demonstrare possunt artis monumenta, quae in Boettigeri Amalthea T. III. tractati.

multis modis gnauius ac sollerter, aut ignaue et segniter, ex ingenio praesentium vel ex imitatione priscorum temporum facitabatur. Itaque, ut operam illam in disponendis artis operibus collocatam non abiiciam, quin etiam utilem iudico et necessariam ad explendas historiae lacunas atque hiatus: fundamento tamen ponenda sunt praeter statuas aliquas iamdudum cognitae, quarum primos auctores certos et indubitatos tenemus, ea potissimum artis opera, quae nostris nobis temporibus rara fortuna Graecia ipsa obtulit. Ea enim, dico signa de Hecatompedo et templo Aeginaeo ablata, certis locis iisque artis exercitatione nobilissimis, certis temporibus iisque insignem quandam artis gradum assecutis, publica auctoritate publicoque sumptu facta, quantopere, si doctrinae nostrae fundamenta circumspicis, ceteris omnibus praestent, superueniens quaeque aetas dilucidius perspiciet. Iam igitur ubi quaeritur quo gradu constitutam Phidias artem exceperit: duo tantum, quae id docere possint, equidem novi monumenta, statuas Aegineticas dico et Apollinis Canachei imitationes. Illas enim post bellum Salaminium factas esse, tum aedis, cuius in fastigiis positae erant, architecturae ratio, tum vestis sagittarii Persici in Paride diligenter repraesentata mihi quidem persuasere: hunc, inter Marathonium et Salaminium proelium Mileti erectum, in variis, quae supersunt, statu et fragminibus, satis certis indiciis post alios mihi agnouisse videor f).

9. Ex quibus utrisque, quae arti his temporibus fuerint propria, facile cognoscitur: corpus humanum summo veritatis studio effectum, quod tamen studium in formis pulchrioribus seligendis non satis eruditum et in toris neruisque indicandis saepe nimium deprehenditur, facies contra oris e more prisco atque tetrico conformata, ita ut certa quidem indoles, quod negari non potest, ex eius figura eluceat, qua iuuenem a sene, masculum ab effeminato, deum ab

f) V. Kunstblatt. Nr. 16. 22 Febr. 1821.

homine dignoscere possis, sed, quae vultum mouent et variant, eo quod animum afficiunt et turbant, omnia adhuc semota haberentur et plane negligerentur. Nam *vultum variare atque animi sensus exprimere* omnino inuentum erat in arte Graecorum statuaria admodum recens, quod Myroni adhuc aliquatenus defuisse scimus, quodque etiam in operibus quibusdam Phidia rectore factis aequi indices desiderant. Id qui fieri potuerit apud populum cultissimum, sane mireris. Sed Graeci omnino corporum magis curiosi erant quam nostri homines populiue recentiores, inter quos artis studium contraria via ab animi affectu in oculis et ore indicando paulatim transgressa est ad corporis membra pulchre et concinne conformanda. His adde, imagines deorum fuisse atque formas athletarum, in quibus ars tum maxime elaboraret: illas vero priscam pietatem sapxisse, et vt immoto essent et seueriore vultu, etiam notionem, quae de deorum vita Graecis plerisque impressa erat, flagitasse: hi quibus lacertis, quo latere, qua crurum agilitate palmam meruerint, modo indicaueris, animi sensus exprimi haud interfuisse. Atque vides, vtramque et idolorum et athletarum fabricam ab initio magis fuisse corporum quam animorum. Denique statuariam artem, in antiquitate regnantem, si cum pictura apud nostros primum locum tenente comparaueris, facile intelliges, in illa plus valere corporum formas, hanc natura sua magis allicere ad animi sensus exprimendos: quo factum, vt etiam inter Graecos, quo tempore antiquus rigor adhuc ora heroum sculptorum obsederat, Polygnotus pictor ob mores hominum eximie representatos laudem ἡθροῦς mereretur, quam ob rem Aristoteles hunc maxime artificem ad iuuentutem liberaliter instituendam et erudiendam commendat. Vnde etiam conicere libet, Phidiam e pingendi studio aliquantum profecisse et magnum fructum transtulisse ad statuariam artem prouehendam. At fortasse iis, quae supra de sculptoribus ante Phidiam ex ipsorum operibus colligebamus, obmouebitur, ea valere tantum de Peloponnesiis artificibus, non item de

Attica. Sed et horum arti non mitiorem fuisse et molliorem indolem, quae de Critia et Hegia relata legimus, commonstrant: si quis autem anaglypha in aede Thesei opposuerit, quae quidem corporum numerosa conformatione, motusque tum vigore et vehementia, tum facilitate et gratia, ac vestibus egregie ad veritatem expressis, oris denique humani veriore et viuidiore descriptione ab opere Parthenonis minimo intervallo distant, ea vix dubito quin aliquot annis post templum inchoatum, quum Phidiaca artis disciplina iam emersisset, sculpta dicam *u*).

10. Igitur transeundum est ad alteram quaestionis nostrae partem, in qua quaeritur, quid Phidiae immortale ingenium in arte profecerit et quibus maxime inuentis priores omnes tanto intervallo post se reliquerit. Id ego contineri putauerim hisce. Primum plane sese exsoluisse putandus est regula systematis illius, quo prisca ars maxime in deorum imaginibus tenebatur, et quo, quominus naturae veritatem libere imitaretur, summopere impedita erat. Id quum in statu is Aegineticis cum studio veritatis contendere et luctari quodammodo videamus, ita vt a plurimis corporis partibus iam recesserit, alias tamen adhuc obtineat: abest iam et facessuit totum a statu is Hecatompedi, quas Phidiae opera censere licet, et pervicit ea formae veritas, quam fore vt ars assequeretur, signa Aeginetica non multo tempore ante promiserant. Haec autem veritas hand propius abest ab altero quodam systemate, quod post haec in

u) Vidi operis in metopis aique zophoro caelsi ectypa in Museo Britannico, et cum priores tempus valde obscurauerit, in hoc multa integra relicta sunt, in quibus tamen nihil rigidi et imidi occurrit, sed omnia vitae sacco plena et quae animum iucundo affectu perfundant. Nam in iis iam omnia viuunt ac mouentur, quae in signis Aegineticis adhuc nescio quae vis deuinxit ac continet. Bene representantur fragmenta quaedam operis in Theseo sculpto Eduardus Dodwell: *Alcuni Bassirilievi della Grecia Roma 1842. Tb. V et VI, et in Itinerario.*

artis disciplinam introductum, et ab hominibus nostri aevi nomine *idealis styli* magnopere concelebratum est, quanquam id artis vitae veroque eius flori fortasse magis nocuit quam profuit. Nam et id formas quasdam atque numeros et rationes inuenit et condidit et sanxit quodammodo, quae pulciores credebantur quam quas natura rerum vsquam offerret, itaque iis, quos eo pulchritudinis genere ornatos volebat, sicut diis suis Epicurus, non corpus sed quasi corpus, non sanguinem sed quasi sanguinem impertiebat x). At profecto pulcrum illud, quod in rerum natura non est, nihil est, neque quidquam ea pulcius ne cogitari quidem potest. Sed opus est vt, antequam naturam imiteris, quibus modis natura cuiusuis rei in diuersas partes agatur, intellexeris. Primum natura omnium rerum eum habet finem idque sibi propositum, vt se ipsa quam perfectissimam et absolutam efficiat: at opponuntur permulta, quae eam ad eum statum peruenire, aut, si momento temporis attigerit, in eo perseuerare plerumque vetent. Quae inde oriuntur in quauis re naturali infirma et morbosa, cogitatione amouenda sunt, vt veritas naturae, quae quidem eo nomine appellari digna sit, sincera et intermerata cognoscatur; amouentur autem vel intimae scientiae ope, vel sensus cuiusdam naturalis, quo cum natura ipsi coniuncti eam sentimus et intelligimus y). Is quum Graecae nationi eximius inesset, idemque cum omnibus animi viribus Perioleo tempore maxime excultus et eruditus esset: consentaneum erat vt hoc potissimum, quid naturae omnium rerum causae et origini in hominum forma creanda propositum fuerit, sentirent et repraesentare auderent artifices. Atqui scimus Phidiam naturae accurate etiam in minimis

x) Winckelmann. Trett. prelim. 4. §. 15. Art. Historia V, 1. §. 18.

y) Cf. quae de eadem re egregie disputauit Ludovicus Schorn de studiis Graecorum artificum p. 51. Sed omnium optime errores etiam hic impugnatos prodigisse Baronem de Rumohr, nunc video (duobus fere annis, postquam supra posita scripseram), dum Italica eius Lucubrationes lego.

rebus imitandae fuisse studiosissimum, ita ut pisces, quos fecerat, si aquam admoneris, naturos crederes *z*), et apem et cicadam et muscam, harum bestiarum verissimas imagines, expresserit *a*). In statusis autem Hecatompedi vivit vigetque ea natura, quae etiam in fragmentis miserisque frustis assidue spectantem inducit, ut non saxa sed viva corpora intueri sibi videatur. Sed eadem, quantum pulcritudinem sponte assequatur infucatus ille et ingenuus naturae amor, perspicue docuere. Nihil profecto grandius pectore et humeris viri (Neptuni, ut cum aliis credo), quod est inter fragmenta e. fastigio occidentem spectante deprompta, quamquam musculorum toros venasque viuidiore motu inflatas ad naturam accurate artifex expressit, neque quidquam ibi inueneris, quo is naturae antecellere aut eam deuitare voluerit. Nihil iucundius ad oculos accidit, quam Illisi quem vocant figura, quamquam ossa thoracis, motu corporis poscente, magis promota sunt quam sequioris artis regulas admisisse crediderim. Nihil denique in summa simplicitate et veritate venustius quam mulierum duarum, sedentis alterius, alterius in sinu huius recubantis, imagines. Quid plura, quum quisque, qui ea marmora studiose contemplatus fuerit, fateri cogatur, iis formam vere humanam sed absolutam tamen quodammodo et perfectam repraesentari *b*).

11. At quamquam idealis illa, quae dicitur et in meris formis lineisque esse creditur, pulcritudo post Phidiam demum inuenta esse videtur, tamen is artifex prae ceteris omnibus *ideis*, quo vocabulo quamuis obscuro hic uti liceat, monebatur, easque operibus suis

z) Martial. Epigr. 3. 35. Cf. Iuuenalis verba: Phidiascum *viuebat* ebur.

a) Inlani Epist. VIII. p. 377 s. Spanh.

b) Quatremère-de-Quincy, Lettres à Canova p. 147 sqq. hinc *veritatem idealem*, quam vocat, in Phidia praecipuam fuisse intelligi dicit. Iam Polycletem *humanae formae decorem addidisse supra verum*, Quintilianus dicit Inst. XII, 10. Sed cum iam in antiquitate fuerint, ut verbis barbaris utar, et *idealistae* et *naturalistae*, Quintilianus illorum iudicia reddit.

demonstrabat. Quo etiam magis distat ab artificibus prioris aevi, quam perfectiore naturae imitatione. Etenim si Minervam Aegineticam et Canachi Apollinem, quorum supra mentionem feci, oculis animae intuentes, ex quo animi affectu eae imagines prodierint, coniectura et diuinatione assequi studemus; intelligimus liberiores in eo affectu motum fuisse nullum, sed traditam quandam per disciplinam dei formam menti artificis infusam haesisse, ita ut eam vel plane integram vel in quibusdam auctam et emendatam simplice pioque studio redderet. Contra eum animi motum, qui ex intimo pectore, quas pulcritudinis, maiestatis, dignitatis notiones natura hominibus ingenuerit, vehementiore concitatione proferat, ita ut eae in vias species abeant et oculis quasi somniantis obuersentur, eum fuisse in Phidia ab antiquis saepius observatum est. Quod inter recentiores Raphael Sanctius de se ipse dixit, idem fere de Phidia Cicero c), eius menti insedissee speciem pulcritudinis eximiam quandam, quam intuens in eaque defixus ad illius similitudinem artem et manum dirigeret. Et ut scriptores veteres perhibebant d), Phidias, quem Quinctilianus diis effigendis meliorem artificem dicit quam hominibus, ἐνθουσιῶν opera faciebat, omnibus animi viribus supra quam crederes intentis, ita ut quae sanctissima animus senserat et quae pulcerrima sensus conceperat, ea sese inuicem mutua quasi caritate complecterentur et coirent. Quo etiam spectare videtur, quod Phidias Panaeno fratri, sciscitanti, unde Iouis Olympii formam hauserit, dixisse fertur, sese commotum fuisse diuini vatis versibus:

ἡ καὶ κuarήρειν ἐπ' ὀφρύσι νεῦσε Κρονίων
 ἀμβρόσιαι δ' ἄρα χαῖται ἐπεβύωσαντο ἄνακτος
 κρατὸς ἀπ' ἀθανάτοιο μέγα δ' ἐλέλιξεν Ὀλυμπον e).

c) Orator 2, 9. Sed velim Ciceronem non ex mente idealistarum explices.

d) Suidas s. v. Ἰακωβὸς ἱερεὺς.

e) Ad Sirabonem VIII. p. 354. cf. Polyb. Exc. L. XXX, 15, 4. 3 Plutarch. Paull. Aemil. 28. Valer. Max. III, 7, ext. 4.

lunt, miraque in membrorum compositione et motu suauitas atque lenitas, quae notionem suggerit vitae integritate sua ac valetudine cum voluptate quadam fruētis. Eodem modo affectus abibis a statuis mulierum duarum, de quibus supra locutus sum, denique ab omnibus tum signis tum anaglyphis, quae ex Hecatompēdo in Museum Britannicum delata sunt. Nam artificiosa elegantia atque ille de se sollicitus decor, qui in operibus priscæ artis ad Phidiæ vsque ætatem observatur, iam plane absunt; magnæ et memorabili temporum mutatione, cuius etiam in victu cultuque quotidiano vestigia deprehenduntur, in illius locum successit negligentia quædam minutarum elegantiarum incuriosa, sed eadem omnis honesti et pulcri diligens atque generosæ indolis documentum. Cuius rei exemplum suppediat etiam vestitus. Quem enim cultum et ornatum artifices priores tantopere expetiuerant et adamauerant, plicas illas recta descēdentes, inter se paribus spatiis disiunctas, concinne dispositas: eum reliquit quidem fere intactum Phidiæ, vbi caeremoniarum sanctimonia iubebatur, in vestitu virginum Panathenæicarum, sed in ceteris ab eo vbiuis discessit *i*). Itaque in tunicis et chlamydibus iuuenum, et in indumentis atque amiculis earum, in quibus ingenio et arti indulgere liberum erat, nihil secutus est nisi naturæ veritatem et eam, quæ hinc fluit, venustatem, hasque tanta sollertia assecutus est, ut nunquam vestes marmore melius expressas esse fatendum videatur. Namque tunicae, quibus duarum illarum earum statuæ indutæ sunt, reuera corpus neque tegunt, neque aperto consilio nudant, sed faciunt ut grandes atque pulcræ membrorum formæ etiam grandiores et pulciores appareant. Nihil omnino neque harum, nec ceterarum figurarum cultui inest affectati, nihil ambitiosi et quo oculos spectantium allicere velle videantur, neque videre licet mulieres ab omni placendi cura et studio alieniores quam Phidiæ deas. Valet autem id de vniuersa Phidiæ

i) Cf. Quatremère-de-Quincy l. l. p. 12.

arte. Etenim nihil ea *effectus* causa, ut nunc dicere solent, composuit, sed naturae instar suarum ipsa virium suaeque magnitudinis inscia et incuriosa ab omni iactantia quam longissime abest. Cuius iactantiae crimen minus vitasse videntur multi posteriorum artificum, qui operibus suis, quid possent, quid valerent, demonstrare, et spectatorem non dei magis, quem fecere, quam ipsorum, qui fecere, admiratione percellere voluere. Quo factum ut cum musculorum et ossium, quae quidem in corporis superficie enicant, scientia pollerent, eam ambitioso modo ostenderent, sed interdum etiam nimio earum rerum studio pellecti veram naturam in quibusdam adulterarent. Ab hac reprehensione plane liber est Phidias, et in hoc solo cum summa arte summa simplicitas. Sed eam simplicitatem verae sinceraeque Gratiae haudquaquam esse oppositam, nemo melius intellexerat, quam Jo. Winckelmann ^k); qui quae de antiquiore illa et sublimiore Gratia dicit, omnia fero in Phidiae opera cadere nunc intelligi potest. Quae si, ut poeta inter nostrates dixit, prodire non potest, nisi vi expleta quodammodo et ad satietatem sui perducta, facile perspicitur, cur maxime in Phidiae operibus regnauerit. Nam is, quum priores omnes artifices in deorum robore exhibendo sibi satisfacere non possent, potentiam et magnitudinem sine detrimento eius, quae diis conuenit, tranquillitatis commonstrauit. Quam ob rem nolim, imagines deorum, quas Phidias posuit, nimis seueras ac tristes tibi fingas, quanquam concedo seueriorem paullo in iis fuisse artem quam in minoribus operibus, in quibus leonem interdum risisse, dicere aliquis inter antiquos poterat. Sed credas, velim, circa genas et labra Iouis Olympii, quem ipso Phidia auctore Gratia cum Iunone coniunxit ^l), iam mite illud et mansuetum iusisse, quod in

k) V. locum egregium, sed perturbatiorem Art. Hist. VIII, 2, 13 sqq. Opp. T. V. p. 245.

l) Paus. V, 11, 3.

optimis quibusque huius dei imaginibus maxime observatur. Quid quod omnis ira omnisque terror eo vsque euanuerat, vt clementem atque propitium pacis et concordiae deum hunc Olympium nunquam non existimauerint antiqui *m*). Neque tamen negabitur, fuisse etiam gratiam, fuisse Veneres, quas Phidias posteriori aeno sectandas reliquerit, et quibus illius opera caruisse concedendum sit. Certe subdolos ille ac vaser Veneris risus, Bacchi os inexplabilem cupidinem spirans, omnes denique animi motus tum mollitiae tum vehementia animum frangentes et turbantes etiam mihi post Phidiae demum aetatem ab artificibus Graecis studiose appetiti esse videntur, ita vt, cum apud priores ἡθες, quod animo inhaeret, maximi momenti esset, posteriores magis τὸ παθητικὸν sectarentur, eodem rerum ordine et nexu, quo Phrygia harmonia et Lydia post Doricam apud Graecos inualuerunt, et Euripides in mollioribus affectibus describendis diligens post Sophoclem scenam occupauit. Quid quod omnis antiquioris vitae, etiam inter Athenienses, lex et norma, sicut multa docent, etiamsi animus affectibus commoueretur, hos premere, et inconcussam semper vel leniter agitatam praestare faciem iubebat, quae lex cum inter Periclis et Alcibiadis tempora sublata esset, etiam artium tota ratio et natura vehementer immutata est.

13. Hucusque, quid Phidiacae arti proprium fuerit et peculiare, demonstrare volumus. Sed vereor ne inueniantur, qui multa ex iis errore niti dicant, quoniam statuas, metopas, zophorum denique Hecatompedi, omnia tempore Phidiae eoque auctore facta esse, ne dubitatione quidem addita, statuerimus; quum illi contra, vt tum e libris *n*), tum e familiari sermone innotuit, ea disiunctis temporibus facta et statuas certe temporibus Phidiae multum poste-

m) Ελληνικὴν καὶ πανταχοῦ πρῆξιν atque ἡμερον καὶ σήμερον dicit Dio Chrysost. Or. 12. p. 215.

n) V. Aloysii Hirt. Vir. Col. Hist. Architecturae T. II. p. 14.

riores dicant. At cur hoc? Nimirum ob insignem harum pulcritudinem et venustatem, quam Phidiam iam assecutum esse sibi persuadere non possunt. Iam vides, hic pugnare consensum totius antiquitatis, quae nullum in arte honorem Phidiae denegavit, cum receptis quibusdam sed parum, ut mihi videtur, fundatis recentiorum de artis progressu opinionibus, neque, utri assensus debeat, diu incertus haerebis. Contra omne in Hecatompedo opus sculptum ante belli Peloponnesiaci exordium plane fuisse absolutum, ut putemus omnia suadent, cum durante bello quam tarde omnia opera publica processerint, Erechthei templi historia doceat, et postea ad Praxitelis usque aetatem Athenis defuerint artifices indigenae tanto operi pares, Praxitelis autem ingenium ab eo opere alienum esse videatur. Sed scriptor egregius, quem modo indicaui, Lycurgo quaestore statuas illas factas putat, cum ciuitas denuo ditata plura aedificia Pericle administrante nondum absoluta ad finem perducere iussisset. Pleraque tamen, quae tum facta sunt, magis ad utilitatem, quam ad splendorem urbis augendum spectant; neque si Lycurgus demum Hecatompedon absoluisset, id omisum esset in Populiscito, quod in eius honorem factum seruauit liber, qui inter Plutarcheos fertur, et quo omnia opera publica, quaecunque Lycurgus vel fecit vel perfecit, diligenter enumerantur. Denique Plutarchus o) cum in operibus Periclis nihil admirabilius dicat quam breue tempus quo perfecta sint, nam quorum quidque multis aetatibus multorumque artificum continuata opera effectum iri expectare posses, ea omnia vno viro rempublicam administrante confecta esse p): dubius haerere non potes, quin is etiam statuas in Hecatompedo Pericle epistata additas putauerit. Sed obmouetur fabricae inter

o) Pericle c. 13.

p) Ita Plutarch. Per. 13. ὃν γὰρ ἐκαστον χρόνον πολλὰς διαδοχὰς καὶ ἡλικίαις μέλεις ἐπὶ τέλος ἀφίξειν, τὰντα πάντα μᾶς ἀκρῇ πολιτείᾳ ἐλάμβανεν τὴν συντέλειαν.

statuas et anaglypha in Hecatompedo discrimen, ex quo, cum haec eodem tempore, quo aedes cui adhaerent, facta esse necesse sit, illas alio tempore sculptas esse appareat. Audio, et agnosco hoc discrimen. Sed fortasse alia huius ratio reddi potest. Cum eniq; Phidias emersisset, multi sine dubio Athenis supererant artifices e secta atque disciplina Hegiae Critiaeque, inter quos ipsum fuisse Alcamenem supra conieci. Horum hominum operam Phidias adspernari vix poterat, maximeque ea vsus esse videtur in eo sculpturae genere, quod architectonicum vocare possis. Hinc evenit, ut sicca illa et inuenusta corporum delineandorum ratio, propter quam illi duo artifices notantur, etiam in anaglyphis metoparum, quibus Centaurorum et Lapitharum singularia certamina exhibentur, non raro deprehendatur. Neque motus membrorum in his anaglyphis vbique ad viuum expressi, sed in nonnullis molesti et odiosiores, in aliis ob nimiam quandam et inanem contentionem pene ridiculi sunt. Quanquam etiam haec partim e consilio et fine horum operum excusari possunt. Pompam autem Panathenaicam in zophoro cellae exhibitam, si vniuersi operis compositionem spectas, non negabis eodem ingenio dignam esse, quod fastigia signis exornauit; si singula quaeque examinaueris, permulta inuenies summa artis facilitate et ingenua pulcritudine illis non inferiora, quaedam tamen etiam negligentius facta et rudi priscorum modo tractata q).

q) Vide quae capiuntur in Goethii libro annali: *Kunst und Alterthum*, et a scriptore Anglo de marmoribus Elginianis, Lawrence. Sed cavendum, ne artifici vitio vertamus, ut ignoratione regularum opificum facta, quae id genus anaglyphi, quo pompa exhibitae est, inter antiquos aliter fieri vetabat. Verum est, femora iuuenum equitantium apparere longiora, quam e latere visa in rerum natura apparere possint, sed cum prominere quidquam eius sculpturae lex non patiatur, omnem corporum numerum turbasset artifex, si femora breuiora facere instituisset.

Sed iam intelligitur, huius rei rationem non in Phidia quaerendam esse, sed in dissimilitudine operarum ab eo adhibitarum, quae nunquam maior esse potuit, quam aevo tantam in arte mutationem experio.

14. Ea mutatio qualis fuerit, cum in superioribus iam satis indicatum esse videatur, quanquam non ignoro me largam commentandi materiam vix delibasse: iam hoc vnum adhuc quaeri potest, quae tandem tantae huius mutationis praeter ipsum Phidiae ingenium statuenda sit causa et origo. Perdifficilis profecto et perobscura quaestio. In promptu quidem est dicere de rara temporum fortuna, quae Athenas Persarum praeda et sociorum stipe ditatas ad rem naualem, metallicam, mercatoriam strenue et industrie agendam compulerit, vnde commoda in studia artium liberalium defluere consentaneum. Nihilominus res externae et ab animo hominum alienae quomodo huic nouas vires impertire queant, non intelligo: quae autem ex animo hominum orta et progressa sunt, eorum inter se rationem, vtcunque volueris, inuertere licet. Nempe dicere licet, eandem populi Attici indolem, qua artes tam laeta incrementa cepere, effecisse vt Athenienses re nauali excellerent et Persas deuincerent. Neque hoc magis falsum quam illud, sed vtrumque aequè falsum et verum. Nam si ex industria opificio-
rum ars naturali quodam nexu cresceret, id vbiuis fieret, quod non fieri in aprico est, ita vt huius rei causa in illa sita esse non possit. Ita etiam, qui de arte Graecanica vniuersa, quare tam praestans et perfecta fuerit, sciscitantes sibi respondent, caeli temperiem id effecisse et rerum publicarum libertatem et sacrarum constitutionem: ii mihi quidem fere nihil dicere videntur. Nam vt de caeli terraeque habitu hic taceam, in antiquissima rerum publicarum atque sacrarum apud Graecos constitutione, sicut in primis linguae originibus, iam conspicitur animus decoris, iusti numeri, pulcrarum rationum amantissimus, ita vt inde a studio pul-

critudinis permulta in vita publica atque sacris Graecorum derivare possis. Quem igitur latere potest, animi virium aliam ab alia non recte deduci, sed omnium conformationem ab una communi origine provenire, ita ut nexus quidem earum inter se et necessaria quaedam coniunctio indagari, sed si de ultima ratione quaeris, nihil responderi possit nisi, ita tulisse naturam populi Graeci sortemque divinitus constitutum, ut artes summa solertia exerceret. Sed ut ad id, quod hic explicandum est, redeamus, causae, quae, ut hoc potissimum tempore ars summopere floreret, effecere, tum in naturalibus illis legibus, quibus cursus artis excolendae dirigitur, tum in singulari nationis Graecae et partium eius indole quaeri possunt. Quid primum leges illae huc faciunt, iam ex iis, quae supra dicta sunt, intelligi potest. Consentaneum erat, artem, cum eo pervenisset, ut deum quemque pro ea, quae ipsi inesse credebatur, indole veneranda quadam specie poneret, victorumque in sacris ludis membra ad viuum exprimeret, sibi ipsam per aliquantum temporis sufficere, et in eo gradu, qui iam optimus videri posset, nisi sublimioris spes effulsisset, persistere, donec magna quadam subito mutatione facta exurgeret et altius euolaret. Deinde autem nihil ad artem euehendam gravius momentum attulit, quam quod, ut in communibus rerum publicarum in Graecia studiis, ita etiam in artificio Athenae tum principatum tenere coeperunt, et ars, ut ita dicam, tum primum Attica facta est. Nam quanquam etiam ante Phidiam ars statuaria et sculptura inter Athenienses studiose colebatur: nihil tamen erat, quo ii officinis in Peloponneso ceterisque Graecia constitutis magnopere excellerent et characterem vere Atticum demonstrarent, quia ipsius ingenii Attici maturitas nondum venerat. Sicut autem e chororum Bacchicorum per omnem Graeciam celebratorum canticis dramatica tragoedia apud solos fere crevit Athenienses: ita e statuis deorum vbiuis Graeciae positis Phidias liberiore et audaciore suae civitatis

ingenio instinctus imagines illas, quae summas ideas exaequalant, protulit. Quid enim? nonne in arte Phidiaca eadem conspicitur indoles, quae etiam in conditoribus poeseos scriptonisque pedestris apud Atticos eminebat, eadem veritatis forma, eadem cum simplicitate gratia et in maiestate iucunditas? Eam indolem tum haud dubie spirabat, omnis Atheniensium vita, ubi ad altiora et pulchriora dirigebatur, antequam dignitate et decore sublati turbida tantum mobilitas et vana leuitas atque cupiditatis impotentia relictæ sunt. Eamque indolem nunc, quod Graecæ nationis fato praesidebat, a longinquo inde tempore conformasse prouidoque consilio destinasse videtur, ne artibus ab vniuerso populo studiose cultis summus honor et laetissimus flos deesset.

DE
SIGNIS OLIM IN POSTICO
PARTHENONIS SIVE HECATOMPEDI
TEMPLI FASTIGIO POSITIS.

COMMENTATIO

C. ODOFR. MUELLERI,

RECITATA IN CONSENSU SOC. REG. D. XIV. JANUarii A. MDCCCXXVII.

1. **A**rgumentum, quod primum in his consensibus illustrandum mihi sumseram, Phidiae artificis vitam, nondum plane derelicturus iam de eo huius viri opere agam, cuius etiam nunc plurima supersunt fragmina aliaque ad memoriam eius redintegrandam subsidia. Loquor de signis marmoreis, quae in occidentali siue postico Parthenonis siue Hecatompedi templi fastigio collocata erant, atque, ut fert opinio a plerisque recepta et nuper etiam a me defensa a), ex officina Phidiae prodierant. Quare autem nunc de posteriore solo fastigio agere velim, haec causa est, quod signorum in hoc positorum multo plenior notitia nunc potest acquiri quam ceterorum, ita ut consilii, quo divinus artifex ea disposuerit, et cogitationum, quae tum in animo eius versabantur, probabilis ratio adhuc reddi possit, quod etiam in antici fastigii imaginibus fieri posse despero.

a) Commentatio de Phidiae vita II. §. 13.

2. Antequam autem, quod primum huius commentationis argumentum est, de consilio et cogitationibus, quibus Phidias ductus decorum heroumque numerum quandam eo loco composuit, disseram, necesse est, ut quibus e fontibus accuratior horum signorum notitia hauriatur, breviter indicem. Et inter antiquos quidem vult *Pausanias* de argumento totius compositionis duo verba, de singulis imaginibus nihil dicit *b)*. Inter recentiores, qui peregrinando Athenas devenere, *Iacobus Sponius* a. 1676. haec signa vidit, et primus, ita ut agnoscere possent, descripsit, sed eum festinantis in hac re versatum esse, plura sunt quae arguant *c)*. Maximi autem aestimanda est delineatio harum imaginum, quam eodem fere tempore (nam annus non satis constat) Legatus Franco-Gallicus, *Marchio Nointeliensis*, a pictore Belga, *Carey*, perfici curavit, quae quanquam singulorum signorum mirabile artificium omnino non exprimitur, nihil tamen ad compositionem totius operis cognoscendam plus facit. Adhuc enim supererant, ut ex schedis his Nointelianis apparet, quae in Bibliotheca Regia Parisiensi asservantur, et iam bis editae sunt *d)*, in fastigio occidentali, de quo agimus, signa antiqua paene omnia *e)*, licet truncata pleraque et capitibus aliisque membris spoliata *f)*. Sed cum paucis annis post, p. C. 1687, op-

b) I, 24. 5.

c) V. *Spon Voyage* T. II, p. 144. Ex Sponii opinione fastigium occidentale Minervae natales repraesentat (*concerne la naissance de Minerve*), quod non dubito quin non nisi e *Pausania* suo hauerit. Quae *Pallas* est, eam *Victoriam* appellat, *Victoriam* contra *Palladem*. Propterea tantum fidei *Sponio* ego non tribuerim, quantum nuper *Leakins*, Vir egregius, in *Topographia Athenarum* tribuit.

d) In *Stuarti Antiq. Ath.* T. IV. (eadem tabulae insunt operi: *The Elgin Marbles*) et *Leakii Topographia Athenarum*.

e) Nullam enim lacunam esse, nisi unam eamque non magnam versus angulum sinistram in excursu demonstrabitur.

f) Longe diversa fuere fata signorum in fastigio orientali collocatorum. Nam quae hic pictor Belga delineavit, eadem etiam *Stuartus*

pugnatio illa Venetorum, Hecatompedo et maxime signis hisce fatalis, insecuta esset: Stuartus Anglus, qui cum Revettio (a. 1752 et 53) Hecatompedi quae supererant accurate delineavit, ex viginti duabus tres tantum statuas relictas invenit, quippe cum ceteris omnibus tum tormenta Venetorum tum studium auferendorum, quibus vis belli pepercerat, interitum attulissent. Comes *Elginensis* ex his tribus simulacris vnum tantum, quod Ilassi fluviū habetur, abstulit, sed praeter hoc ruderibus templi effossis sex fragmina signorum hac olim parte collocatorum invenit eaque in Museum Britannicum transportavit g), quae quo referenda sint, ex accurata eorum cum adumbratione pictoris Belgae comparatione satis intelligi potest.

3. Cum operam singulorum signorum ex monumentis et subsidiis hisce describendorum in appendicem huius commentationis reicerim, siquidem locum eius descriptionis lineamenta, quae adiuncti et quibus etiam fragmenta Musei Britannici indicantur, explere possunt: statim ad caput rei perveniamus i. e. ad argumentum, quod his simulacris contineatur. Videmus sub fastigii culmen virum stantem, cuius membra motum quandam vehementiorem indicant; adstat virago, cuius aegis Minervam significat, ad equos duos currum trahentes conversa; utrumque sequuntur viri, feminae, pueri puellaeque tum stantes, tum sedentes recubantesue. Iam Pausanias nos docet, ea quae in antico fastigio posita erant, ad Minervae natales spectare, quae in postico, certamen Neptuni cum Minerva de terra

vidit, eademque omnia per Elginiensem Comitem in Museum Britannicum translata sunt. Huic igitur templi parti, quae iam ante mihi aere habita erat, Venetorum tormenta et occupatio nihil nocuerunt, quae alteri tanto fuere detrimento. Miror diueras narrantes Leachium l. l. p. lxxxviii.

g) Ibi Ilassus inter Elginiana n. 70., cetera fragmina n. 64. 69. 73. 75. 76. 118. asseruantur.

Attica repraesentare *h*). Atqui Pausaniam posticum fastigium id dicere, quod occidentem spectat, quanquam de ea re plures viri docti addubitarunt, luculenter nuper demonstravit vir doctissimus idem atque cautissimus, Reuvens *i*). Hôc igitur certamen illud exhibebatur. Quale illud fuerit, quanquam omnibus notum existimo, tamen verbis quibusdam de genuina fabulae forma monendum. Sicut antiquiores narrant, prior Neptunus, post eum Minerva ad terram Atticam accedunt eamque occupant, cuius rei signa ille fontem salsum, qui *Θάλασσα Ἐρεχθίδης* dicebatur, ex acropoli elicit, haec ibidem oleam plantat, simulque Cecropem antestatur. Postea lite instituta ius Minervae potius habetur *k*). Vidit etiam Pausanias signa quaedam in arce Athenarum,

- h*) Verba sunt I, 24, 5. *ἐς δὲ τὸν ναόν, ὃν Παρθενῶνα ὀνομάζουσιν, ἐς τοῦτον ἐισοῦσιν* (Introitoria) *ὁπότε ἐν τοῖς καλουμένοις αἰετοῖς κίτται, πάντα ἐς τὴν Ἀθηνῶν ἔχει γένεσιν. τὰ δὲ ἐπισθεν ἡ Ποσειδάωνος πρὸς Ἀθηνῶν ἔστιν ἕως ὑπὲρ τῆς γῆς.* — *Ἐπισθεν ὁπότε ἐν τοῖς αἰετοῖς κίτται* hoc loco significat idem quod V, 10, 2. *τὰ ἔμπροσθεν ἐν τοῖς αἰετοῖς.*
- i*) De simulacris Parthenonis, in: *Classical Journal* Nr. 55, 56. Cf. *Antiquiteiten, een oudheidkundig Tijdschrift*, bezorgd door N. Westendorp en C. J. C. Reuvens. II, 2. Oudheden door den Graaf van Elgin uit Griekenland medegebragt. Deerde Afdeling p. 68 sqq. Illa dissertatione opiniones contrarias Wilkinsii, Leskii, Weberi satis refutatas habes. Vas illud, quo Wilkinsius explicationem suam demonstrare constus est, rectius explicuit post Leskium Millingen, *Ancient unedited Monuments* I, p. 25.
- k*) Princeps locus est Herodoti VIII, 55. *ἔλαβεν τε καὶ Θάλασσαν· τὰ λόγος παρ' Ἀθηναίων Ποσειδάωνά τε καὶ Ἀθηνῶν ἐρίσαντας παρὶ τῆς χώρας μακρόν τε ἔσθαι.* Eadem Paus. I, 26, 6, 27, 2. Lenius hanc famam persequitur Apollod. III, 14, 1. a quo in quibusdam discedit Callimach ap. Schol. II, P, 54. Illustrare hanc genuinam fabulae formam Heyne Observ. ad Apoll. I. I. p. 322, et Boettiger, *Amsth.* II, p. 310. Cf. Creuzer *Symb.* II, p. 640. Equum tum a Neptuno creatum, fabulenter Serv. ad Virg. G. I, 12. Aen. VIII, 128. Lactant. ad Statii Theb. XII, 632. Dolendum, in tabula marmorea summi pre-

quae Neptunum illum Elicium Minervamque oleam plantantem repraesentabant *l*), atque notissimus est numus Atheniensis, deum deamque exhibens circa oleam illam primigeniam stantes *m*).

4. Cum vero talem operis totius speciem et conformationem exspectantes ad lineas Nointelianas accedimus, iam magnis irretimur difficultatibus. Vix dubium esse potest, virum Minervae adstantem esse Neptunum, cum huius dei signum in hoc fastigio medio fere loco positum esse debuerit, atque simulacrum tantae magnitudinis intercidisse, ob spatii, quod nullum fere superest, angustias concedi non possit. Iam proclive dictu est, Neptunum, quippe qui vehementius moveri videtur, fonti eliciendo intentum atque in eum habitum formatum esse, quem describit Ovidius *n*):

stare deum pelagi, longoque ferire tridente

Aspera saxa facit, medioque e vulnere saxi

Exsiluisse fretum, quo pignore vindicet urbem.

Verum ut concedamus, fontis salsi imaginem Phidiae ingenio placuisse, tum sine dubio etiam olea, qua Minerva vincebat, adesse debebat. At utrique locus deest, nisi fortasse oleam inter crura Neptuni positam putas, quem locum valde incommodum puto, quamquam ex legibus artis antiquae eiusmodi parerga saepe compendiarie via denotari non ignoro. At fortasse Neptunus, antequam a pictore Belga delinearetur, loco iam motus fuit, ita ut olim maius spatium inter Minervam et Neptunum intercesserit. Ut et hoc non abnuerim, mihi quidem ipse Minervae habitus eam opinionem, ex qua dii monumenta occupationis conderi putantur, satis refutare

tij, quam illustravit *Heerenius* (V. nunc Opp. hist. T. III. p. 150.), narrationem de eo certamine ex antiquis epicis petitam, prooemio quodam excepto, perlisce.

l) I. 24. 3.

m) Apud Meurs. Opp. T. II. Fort. Ath. p. 13. Millin. Galerie mythol. I. t. 37. n. 127. aliosque.

n) Met. VI, 74. De feculone loci alii satis monere.

videtur. Cur enim, si Neptuni signo suum oppositura est vel cum eo de iure occupationis litigat, a deo auersa et in aliam plane rem intenta fingitur? Mihi quidem mirum videretur, ni quis, dei vtriusque habitum accurate intuens, eam sententiam continuo exploderet. Sed etiam ipsam litem contestatam et vel a duodecim diis vel a praeis Athenarum heroibus diiudicatam, hic exhiberi, vix placere poterit, cum ea lis nullam contineat actionem arti sculptoriae satis conuenientem, atque signorum habitus et figura huic explicationi aequae ac priori refragetur.

5. Cum igitur hac ratione explicatio eius operis non processura videatur: videndum, quid misso tantisper Pausania ex ipsis simulacris attente spectatis effici possit. Minervae habitum spectanti, quid ea agat, vix dubium esse potest. Conuersa est ad equos duos, quos ferocitate exultantes o) sustinet et cursum eorum inhibet, quanquam iidem e curru, quem trahunt, a virgine et iuvene reguntur. Virgo enim, ut corporis totius et brachiorum maxime habitus commionstrat, habenas (ἡνία vel ἑντῆρας) tenet easque magna contentione retrahit, iuuenis flagellum tractat: quae negotia etiam apud Homerum inter duos Molionidas distributa reperiuntur p). Dea autem manifesto equos alio loro vel fune ducit et regit, quam habenis, quas virgo illa tenet; puto eam ἑταγωγία tractasse, ex ὑπαχαλινιδίῳ vel ψαλίῳ pendentem, quo etiam equum vectorium et frenatum equiso ducere solebat q). Eodemque in opere sculpto zophori Parthenonis equi iugales curru iuncti a iuvene praecedente et cursum eorum moderante duci videntur, quanquam et hi simul ab auriga habenis reguntur r). Quare autem ad equos

o) Zygomas Naupliensis, litteris ad Martinum Crusium, Professorem Tübingensem a. 1575. datis. (Turco-Graecia I. VII. ep. 10. p. 430.), ἵππους δύο φρουσσομένους recte dicit.

p) Iliad. XXIII. 641.

q) V. Schneider ad Xenoph. Hipp. 7. 1.

r) V. Stuart Antt. Ath. V. II. C. 1. ib. 19.

regendos etiam auxilium deae necessarium sit, nulla potest esse causa, nisi quod aurigandi ars tum recens inuenta et ab ipsa dea hominibus demonstrata erat. Quod iam optime conuenit cum fabula in antiquitate celebratissima, Minervam primam equos ad currum iunxisse: in qua Athenienses, qui ob eam causam deam 'Ιππείαν siue 'Ιππείαν dicebant s), etiam Arcadas t) et Barcaeos u) atque Corinthios, qui Bellerophonti frenum a Minerva Chalinitide datum esse fabulabantur x), sibi assentientes habebant y). Atque Athe-

s) Hoc nomine colcbatur in Colono (Paus. I, 30, 4. Schol. Soph. Oed. Col. 711. Anecd. Bekker. p. 350) et Acheris (Pausan. I, 34, 3.), vbi signum Minervae in carceribus Circi positum pro αἴετος fuisse, e titulo servato intellexit Boeckh. C. I. n. 474. Cf. Sophocl. Oed. Col. 1071. Herpocrat. et Suid. s. v. 'Ιππεία 'Αθηνά. Δαμάσιππον vel δαμάτωλον dixerat deam Lamprocles, ut videtur, in cantico illo: Παλλίδα παρέσθλον. Cf. Schol. in Aristoph. Nub. 961. et in Aristid. p. 203. Frommel. Καλλιόφρον 'Αθανάσαν dicit Euripides Hecuba 467. Κόραυε Κερροίης Ἰπποσύα, Παλλίς ἀμήτωρ, Nenn. Dionys. XXXVII, 320. cf. Amelthaeae Vol. III. p. 51.

t) Qui Minervam Coriam, Clitorea cultam (Pausan. VIII, 21. cf. Greuzer. Symb. T. II. p. 761.), quadrigarum Inuentricem dicebant. Cicero de N. D. III, 23. cf. Paus. VIII, 47, 1. Clitiorum fabula fuit, quae Minervam Neptuni et Coryphae, Oceano natae, filiam, eamque quadrigas iuvenisse, tradebat, ut ex loco Musaeae in Εἰρωπῇ apud Harpocrat. s. v. 'Ιππεία 'Αθ. intelligitur. V. eundem Musaeam ap. Lex. Coislin. in Bibl. Coislin. p. 604. apud Bekker. Anecd. p. 350., vbi pro Κόρης - Κερύφης scribendum videtur.

u) Qui Ἰπποτοφίας quidem a Neptuno, τὸ ἡμισοχῆν autem a Minerva se didicisse ferebant, Steph. Byz. s. v. Βάρυς et (qui minus accurate loquitur) Hesych. s. v. Βαρκαίος δρυός: vbi Musaeae in Λιβύῃ auctor laudatur. Καὶ τὴν Ἰππείαν δὲ 'Αθηνᾶν ἐν Λιβύῃ γενέσθαι φασί. Schol. Pind. P. IV, 1. De Barcaeorum, sicut Cyrenaeorum, curribus multi disputarunt. V. Boeckh Expl. Pind. P. IV. p. 268. Völscher de Iapet. p. 220.

x) V. Pind. O. XIII, 61. cf. Boeckhil Expl. et Völscher l. l. p. 185.

y) In vniuersum Hymn. Homer. In Venerem v. 12. 13. de Minerva: πρῶτῃ τέκτονος ἀνδρᾶς ἐπιχθονίους ἐδίδασκε κοίτησι στήναις καὶ ἔργατα

nienses Erichthonium suum, quem inter antiquissimos terrae suae heroes habebant, a Minerva edoctum primum quadrigam iunxisse et aurigandi peritia Panathenaicis ludis, quos ipse constituerat, vicisse ferebant z). Quae fabula ut orta sit scire, nostra nunc non multum refert, neque hoc loco expedit, utrum Erichthonius, de quo Danaïs epopoea, Pindarus alique a) idem narrant quod Homerus et Herodotus b) de Erechtheo, qui nomine Neptuni Erechthei in eadem aede, quae Minerva, colebatur c), ab origine ipse

παύλα χαλκή, ubi pro ἀρχθ. Εριχθόνιον τ' conicere possis, nisi sermo scaber fieret.

- z) Tanquam ad explicanda nostra signa dicta esse videntur haec Aristidis, Panathenaico p. 184.: *ἔτι δῖππον ἀμιλλητῶν καὶ πολεμιστῶν ἔφηνεν ὀρχήματα, καὶ ζυγόνουσιν ἐν τῇδε τῇ γῇ πρῶτος ἀνδρώπων ὁ τῆς θεᾶς παῖς παῖς παῖς ἀρετῆς ἄρμα τιμῶν σὺν τῇ θεᾷ.* Idem fere Aristid. in Minervam p. 22. Cf. Schol. in Aristid. p. 102. Frommel: *Ἐριχθόνιος πρῶτος παρ' Ἀθηνῶν τὸ ἄρμα ἰδέεσθαι.* Ceterum v. Virgil. Georg. III, 113. Varro ap. Serv. et Philargyr. ad l. Marm. Par. ep. 10. Hygin. P. A. II, 13. Eratosth. Catast. 13. Aelian. V. H. III, 38. Plin. N. H. VII, 56. Tertullian, de spectac. 9. Themistius Or. XIX. p. 485. Petav. Himerius Orat. II, 6. De signo deae, aede sacra et Panathenaeia a. Aithenaea constituitis v. Hellanic. ap. Harpocr. s. v. Παναθ. (13. p. 55. St.), Androtion lb. (p. 109. Lens), Philochorus ap. Harpocr. *πανηφέροι* et Schol. Aristoph. Vesp. 542. (p. 24. 25. Lens), Apollod. III, 14, 6. Marm. Par. I. I. Hygin. I. I.
- a) V. Harpocr. s. v. *αὐτοχθ.* Pindar. Fragm. inc. 37. Bb. Eurip. Ion. 20 sq. 279-284. 1114. 1445. *Danaïs*, culos quidam versus etiam nunc extant, ut ex Apollod. II, 1, 4. Intelligo, certamen Neptuni et Minerva de terra Argius narravit, et huic, ut videtur, fabulae Atticae similes attexuit. Propterea eam epopoeam etiam in marmore Borgiano (v. n. 9.) laudatam puto.
- b) II. II, 547. cf. Od. VII, 81. Herod. VIII, 55. — *Ἐριχθόνιος ὁ Ἐριχθόνιος καλούμενος* Schol. II, I. I. Etymol. M. p. 371. 29.
- c) Hunc Minervae *παίδρον* (Aristid. Panathen. I. I.) fere omnes quidem *Erechtheum* dicunt, Apollodorus tamen III, 15, 1. Neptunum *Ἐριχθόνιος*.

Neptunus equester, qui per totam Græciam colebatur, an daemon ab eo discretus et posteriore tempore cum eo confusus fuerit. Haec, ut dixi, ad rem nostram nihil fere faciunt, cum Phidiae ut cuius artificii ea fabulae forma, quae tum obtinebat, repraesentanda esset, quippe quae sola intelligi poterat. Igitur Erichthonius ab eo habebatur heros quidam Minervae dilectissimus atque in eius tutela educatus institutusque, qui Minervae inuentum, aurigandi artem, primus cum hominibus communicauerit. Iam nemo dubitare potest, quin iuuenis in equis regendis occupatus hic idem sit Erichthonius. Virgo autem eiusdem negotii particeps Victoria est, quae in operibus antiquae artis persaepe cum viro victore carrui insistentis fingitur d). Quod autem alis caret, nihil mirum, cum Athenis delubrum Ἀντρέου Νίκης eiusque signum vetustum esset, quod iam Calamidem, Phidiae aequalem, imitatum esse Pausanias statuit e).

Haec autem omnia postquam iam scripta et in consessu Societatis nostrae recitata erant, contigit mihi, ut Scholia antiqua in Aelii Aristidis Panathenaicam orationem, quae Guilielmus Frommel nuper edidit, peruoluens, locum Grammatici reperirem, de iisdem sine dubio, de quibus loquor, signis eadem plane, quae modo proposui, tradentis f). Haec sunt eius verba: *πάρθερόν τῆς Θεοῦ τὸν Ἐρεχθέα Φησι (Ἀριστείδης), ἐπειδὴ ἐν τῇ ἀκροπόλει, ὀπίσω αὐτῆς (τῆς Θεοῦ), γέγραπται ἄρμα ἐλαύνων, ὡς πρῶτον τοῦτο παρὰ τῆς Θεοῦ δεξιάνεος. In his si vnum γέγραπται minus accurate dictum statuis, cetera omnia nostris signis egregie conueniunt. Sunt enim ea in acropoli, sunt in postico Parthenonis fastigio, ὀπίσω τῆς Θεοῦ, atque virum,*

d) Cf. Caylus Antiq. T. IV. tb. 51. 3. Museum Worsleyanum T. I. p. 43.

Millin. Vases T. I. tb. 24. cum explic. p. 46 sqq. Millingen Vases de Coghill tb. 1. cum explic. p. 3 sqq.

e) V. Pausan. V. 26. 5. cf. I. 22. 4. III. 15. 5.

f) Ad p. 184. C. p. 25. ed. Fromm. cf. p. 336.

dea ipsa adiuvante, currum ducentem in conspectu ponunt. Quid igitur apertius, quam iam antiquos de argumento horum signorum idem censuisse, quod equidem mihi censendum esse putaui.

6. Haec pro certo habentes iam ad cetera firmo gressu progredi poterimus, et cum, quid Pallas agat, dispectum sit, etiam qua in re Neptunus occupetur, inquirendum. Neptunum Minervae adversari atque cum ea contendere, tum Pausanias tum simulacri habitus satis docet. Neque mirum, deum, cui ex fabula apud antiquos celebratissima *prima frementem fudit equum magno tellus percussa tridenti g*), magnopere mirari et obstupescere, cum ferociens animal, cui suum robur suumque impetum impertiuerat, Minervae vi victum iugoque adaectum videat. Opponere quidem possis hoc, etiam Neptunum non tantum creatorem, sed etiam domitorem equi habitum fuisse, quippe qui a Corinthiis *Δαμαῖον* nomine colebatur *h*), et in ipsa Attica, in Coloneo pago, frenum, quo equi mansuescerent, primum confecisse dicebatur *i*). Attamen primum Neptuno a nullo scriptore accuratiores currum constructio tribuitur, de qua hic agitur *k*); deinde sculptor eodem iure, quo

g) Non nonicius videtur esse Pamphos ille, cuius locum Paus. VII, 21, 3. affert. Ceterum v. I. H. Voss. ad Georg. I, 12.

h) Pind. O. XIII, 66. Etiam Mantinenses, Neptuni Equestris gnaui cultores, narrabant, Semum suum, Halirrhothii (qui Neptunius heros est) filium, primum quadriga Olympia vicisse, Pind. O. XI, 72. cum comment. Boeckhil.

i) Sophocles Oed. Col. 706. cum Schol. Sed s. Sophocle ad Erichthonii fabulam studii, qui Neptuno auctore quadrigas iunxerit, error est. Ceterum iam apud Homerum (II. XXIII, 584.), notante Pausania, VII, 21, 3., Neptunus curulis certaminibus praest; et *Ἰκxav δμῆρην* appellat Hymn. XXIII, 5. Cf. Aristoph. Equ. 556. et libros Vötkero de Iapet. p. 154. laudatos.

k) Solum Scholium in Pind. P. IV, 1. Neptunum dicit Afros docuisse *την τῶν ἀφρων παρασκευὴν*; accuratius loqui videtur Mnaseos N. u. adductus.

poeta, rumores, qui ipsius consilio non conueniunt, modo ne nimis noti et celebrati sint, spernere et vnam quandam fabulam vt veram rectamque sibi eligere et amplecti potest. Itaque Phidiae menti hoc vnum obuersatum esse videtur, quod Erichthonius, Minervae alumnus atque cultor, dea ipsa adiuuante, primus equos ad curram coegerit, sicut alius heros, Buzyges dictus, eiusdem auxilio boues aratro iunxisse tradebatur ¹⁾. Neque dubito, quin Phidiae ea narratio ad indolem vtriusque numinis inde ab Homero traditam aptissima visa fuerit, siquidem dei marini animus ferox et indomitus menti Minervae ad res domesticas, ciuiles, bellicas gnauiter et industrie administrandas et omnia quae occurrunt in vsum hominum conuertenda idoneae bene opponitur.

7. Hoc vnum mirari posses, quod Neptunus huic rei adesse fingatur, eaque certamen de terra Attica continuatum esse a Phidia significetur, cum nihil tale ab antiquis scriptoribus relatum reperitur. At multa sine dubio inter Graeciae populos prisca fana tradebantur, quae nunc prorsus euannere, itaque etiam illud traditum esse potest, Minervam victoriae suae hoc addidisse complementum, vt animal Neptunium iugo frenoque domaretur. Neque scrupulum chronologicum iniici sibi patientur ii, qui ordinem fabularum chronologicum maximam partem a viris grammaticis additum et effectum esse tenent. Verum vt etiam talis fabula ante Phidiam non fuerit, ipse suo iure, sicut poeta, has duas res, litem Minervae cum Neptuno et Erichthonii quadrigam, coniungere et componere poterat, potissimum cum ipse locus, quo ea signa ponenda erant, vt ita faceret, enim excitaret. Hoc enim in arte antiqua non minimi momenti erat, vt argumentum mythicum inueniretur tale, quod tempori, quo opus iussum erat, rei gestae, quae causam contine-

1) De Buzyge quaedam laudata inuenies in dissert. de Phidia I. §. 5. De Minerva a bubus iunctis Budea et Boarmia dicta v. Orchomeniaca p. 185 sq.

bat, loco denique, quo ponendum erat, aptissimum esset. Neque raro admirationem mouere debet acumen, quo artifices in donariis populorum Graecorum causam voti donariiue mythice adumbraverunt et significauerunt *m*). Nuno vero Phidias Hecatompodon siue Parthenonem exornare iussus erat, quam aedem ad iustam Panathenaeorum celebrationem exstructam fuisse, tum ipsa pompa Panathenaica in zophoro cellae sculpta tum aliae rationes probant. Quid igitur aptius cogitari potest, quam quod in posteriore fastigio, quoniam antea natalibus deae iam occupatum erat, fabula illustratur ad origines ludorum Panathenaeicorum spectans. Eadem enim quadriga, qua Minerva victoriam suam de Neptuno cumulat, eadem Erichthonius Panathenaeorum, quae velut Epinicia deae celebrabantur *n*), primam palmam nactus esse dicebatur.

8. Haec si placere possint, cetera signa faciliore negotio vel certa ratione vel coniectura explicari possunt. Ea omnia, quae spectanti ad dextram posita sunt, asseclas atque fautores Neptuni repraesentant. Amphitriten leuis vestitus atque cetus sub pedibus declarat. Dea proxime adstans Oceanidum vel Nereidum una, for-

m) Vnum exemplum adduco. Thessali sub tempore belli Persici in Phocidem irruerant, Phocenses fugauerant, denique ab iis in monte Parnasso victi sunt. iam Phocenses *Apollinem* Delphicum ut suum sibi deum vindicarent, Thessali autem *Heraclidas* duces habebant, atque *Minervae* Itoniae nomine tessera sine signo tum viebantur (Paus. X. 1. 4.). Atque nullum in fabulis argumentum huic victoriae celebrandae aptius inueniri poterat, quam hoc, quod elegere: Apollo, Diana et Latona ex altera parte, ex altera Hercules cum Minerva de tripode decertantes. Quo Phocenses significare voluere, se delubro Delphico praesidio fuisse, ne a Thessalis diriperetur. V. de his signis Amaltheae V. I. p. 132 sq.

n) Cum Olympi Herculis, Pythiae Apollinis, alia certamina aliorum ab origine epinicia fuisse traduntur: crediderim etiam Panathenses in fabulis Atticis simili ratione cum certamine deorum coniuncta fuisse.

tasse Thetis, esse potest. Certius agnoscitur Latona, cuius in sinu Apollo et Diana infantes ludunt. Hanc Phidias hoc loco posuit, quia Apollo in fabulis saepe Neptuno socium et amicum sese praestat. Sedem deae vndae alluunt, nimirum quod Delus insula saxo, cui insedit, significatur. Feminam, quae proxima sequitur, cuius gremio puella fere nuda sustinetur, vel Cererem cum Proserpina dicere potes vel Dionen cum Venere. Hoc praefero, cum Veneri, quae etiam inter numina maris colebatur, corporis fere totius nudatio melius conueniat. Contra mulierem, quae deinceps sequitur, Cererem appellare malo, et spatium vacuum, quod lineae Nointelianae exhibent, Proserpina puella occupatum puto. Vix enim Eleusinae deae abesse poterant, cum et haec, sicut fabulae de Eumolpo demonstrant, Neptuno essent coniunctissimae. Iuuenem post has positum Halirrhothium dico, Neptuni filium, cuius nomen maris aestum exprimit. Huius enim in hoc certamine partes erant non minimae, cum postea oleam a Minerva creatam excidere conatus sit. Feminam denique ultimo loco, in angulo fastigii, recubantem Euryten nympham, a Neptuno adamatam, Halirrhothij matrem, si placet, dicere potes o).

9. Signa versus alterum fastigii angulum posita ex parte iam explicata, ex parte nunc explicanda sunt. Quam apte Victoria in curru Minervae collocata sit, nunc iam neminem potest latere. Hoc enim curru, ut dixi, nunc Minerva Neptunum vincit, eodem vincet etiam Erichthonius. Quae autem sequuntur, necesse est maximam partem ad honorem Athenarum pertineant et antiquos huius terrae heroes repraesentent. Igitur mulieres tres deinceps positas Cecropis filias, Aglaurum, Pandrosum et Hersen, esse puto. Nunc vero prima earum puerum retinet, qui equorum subsultantium ferocia territus aufugere velle videtur. Iam quisque de Erichthonio cogitat, cura Cecropidum, Pandrosi maxime, edu-

o) Apollod. III, 14, 2.⁵

cato p). At Erichthonius iam adest, cum iuuenis curram regens alius esse non possit. Igitur fortasse statuendum est, Phidiam hunc terrae filium, a Minerva Cecropis filias traditum, cum Homero et Herodoto non Erichthonium, sed Erechtheum appellasse, atque hunc a conditore Panathenaeorum discreuisse. Vereor tamen, ne hoc discrimen rem accuratius scrutantibus non probetur, cum scriptores, qui inter Erechtheum et Erichthonium distinguunt, sicut Euripides et Apollodorus faciunt, illum in posteriora tempora detruant, atque ab antiqua illa terrigenarum stirpe omnino dimoueant. Itaque puto nos hisce difficultatibus ita optime expediri, si puerum illum Cecropidum non alumnum sed fratrem, quem mythologi Erysichthonem dicunt, statuamus q). Virum autem, cui tertia harum virginum leniter acclinatur, Cecropem ipsum habeo, cuius in hac de certamine deorum fabula multa mentio exstat, et qui in opere anaglypho, Athenis reperto, cum tribus filiabus, sicut in hoc Parthenonis fastigio, sacram pompam excipiens conspicitur r). Vnum restat signum in angulo fastigii positum, quod plerique non male Ilium, terrae Atticae fluvium, dicunt, cum in templo Iouis Olympii eodem loco Cladei fluminis imago posita fuerit, et Ilii simulacrum, tum ad locum totius rei indicandum, tum quod et huius interesse debebat, vter deorum victor abiret, minime alienum sit.

p) Quod duae earum, postquam Erichthonium decontibus involutum videre, mortuae esse finguntur, hoc opponere noli. Deae enim factae sunt et ut deae hic adesse possent.

q) Ita Leskius fecit, cui in multis assensum non cohibeo, quanquam in vniuerso argumento aliam sententiam secutus sum.

r) V. Museum Worsleyanum T. I. tb. 9. p. 19. Cogitaueram etiam, hunc virum esse Mercurium, qualis ab antiquioribus sculptoribus fingitur, et virginem iuxta reclinatam Hersen, quam ille amulisse fertur. V. Ovid. Met. II, 711 sq. et Monumentum Regillae. Cf. Paus. I, 38. 3. Quam opinionem petaso, qui ad viri femur simulacrum a quibusdam agnoscitur, adducto tutari possem.

Atque sane is est corporis eius habitus et motus, quo se rei cui-dam, quae a tergo ipsius geritur, intentum ostendit, quam ob rem superiora corporis cum contentione quadam conuertit: quod nemi-nem fugit, qui statuam hanc, quae ex eo fastigio sola in Museo Britannico superest, attente spectauerit.

10. Adde nunc singulorum signorum notitiā, quam ex fon-tibus supra indicatis haurire potui. Dinumerabo ea deinceps, a dextro fastigii angulo ordiens.

A. Corpus viri adulti validi, qui recubat sed pectus cum con-tentione quadam conuertit. Ilisum dixi cum aliis. Pictor Belga eum perperam adumbrauerat, sed auxit etiam errores eius delineatio hinc facta in Antiqq. Athen. V. IV. C. 4. th. 1., qua vir in puel-lam mutatus exiit. Vidit eum in fastigii angulo Stuartus et deli-neauit, Antiqq. Ath. V. II. C. 1. th. 9. Nunc est in Museo Bri-tannico, in Oeco XV. n. 70., eodem fere statu, quo Carey eum viderat, nisi quod collum et brachium sinistrum nunc magis trun-catum est. Hinc bene delineatum habes in libro: The Elgin Mar-bles London 1816, th. 11. Alias imagines signi dant Burrow Hi-story of Athens and the Elgin Marbles pl. 21. Lawrence Elgin Mar-bles pl. 6., quorum libros in Britannia tractaui, nunc ad manus non habeo. Ego delineationi Nointelianae partem brachii dextri et manum sinistram e Stuardo addidi. Est qui huic signo caput quoddam strophio insigne inter marmora Elginiana addat. Is si caput intellexit nunc in Museo Britannico, XV. n. 119., asseruatum, in quo solo strophium repperi, errasse videtur, cum hoc caput mihi quidem manifesta Romani operis vestigia demonstrare videatur. Nam oculorum pupillae semicirculo cauo notatae, capilli in barba terebrati, supercilia prominentiora huius temporis sunt.

B. et C. Vir senior sedens, cuius humero bella mulier inniti-tur. Pictor Belga inter hos et Ilisum interuallum notat non magnum. Eodem loco haec signa adhuc vidit Stuartus, eaque de-

lineata praebent *Antiqq. Ath.* Vol. II. C. 1. tb. 9. Hinc brachium dextrum viri aliquantulum auxi, et sinistrum, quod Carey praetervidit, addidi. Comes Elginiensis haec certe non deturbavit. Sed nunc signum masculinum capite caret, quod circa a. 1803 deimptum esse videtur (v. Taylor Report on the Elgin Marbles p. 46. et cf. de variis capitibus huius satis Dodwellum *Travels* V. I. p. 325.). Caput feminae dicitur in aedibus proxeni Franco-Gallici, Fauvelii, fuisse, quanquam testimonium eius, quod in nota ad Le-Grand missa exstat (v. *Antiqq. Ath.* V. IV. p. 20.), contraria Guilhelmi Wilkins narratione (*Walpole Travels in various countries of the East* p. 318.) valde infringitur. Fauvelius in eo capite, quod apud se habebat, foramina subscudibus aereis recipiendis idonea observavit, unde eam feminam diadematam ornatam fuisse colligitur. V. *Antiqq. Ath.* I. I. Idem popularis sui Sponii sententiam tuctur, esse has duas imagines tempore recentiore factas, easque Hadrianum cum Sabina vxore repraesentare. Contra vnam eandemque in his et ceteris signis operis rationem agnoscit Cockerellius, auctor fide dignus. Atque omnino opinionem illam Sponii nunc satis refutatam et plane sublatam habemus. V. Renvens, *Antiquiteiten* II, 2. p. 78 sqq.

D. E. F. Mulier sedens. Puer aufugere tentans. Mulier habitu virginali eum retinens. Haec tria signa tantum chartae Nointelianae nota faciunt.

G. Mulier habitu virginali currui insistsens. Etiam huius figura per eas chartas potissimum innotuit. Consentit tamen cum his Sponii descriptio, qui capillum more Veneris dispositum esse narrat. Viscontius id signum Victoriam *ἄντερον* appellavit, in quo eum secutus sum. Sed idem V. D. truncum quandam corporis, in Museo Britannico, XV, 69., exstantem, huic Victoriae attribuit. In quo mihi a viro peritissimo discedendum est. Etenim huic trunco adhuc adhaeret pars lacui lacerti, quae totum fere musculum del-

toideum cum aliis complectitur, adhaeret etiam exigua pars laei feminis. Iam hinc agnoscere licet lacertum ita retrorsum motum fuisse, ut angulum quendam cum latere efficeret, femur autem in anterieus promotum neque valde sublatum fuisse. Contra Victoria illa in lineis Nointelianis laeum lacertum promouet et dextrum retrahit, femur autem laeum tantopere tollit, ut rectum ferme cum trunco corporis angulum efficiat. Haec igitur sibi non conueniunt. Quodsi truncus Musei Britannici e fastigio occidentali, de quo agimus, decidit, me iudice nulli signo nisi mulieri ad laeum Neptuni latus adsidenti tribui potest. Huic enim lacerti, femoris, corporis totius habitus vnice conuenire videtur. Etiam id conuenit, quod laeum lacertus nudus est; femoris pars nuda, quam lineae Belgae praebent, nunc non amplius exstat. Et video, eandem opinionem declarari in *Antiqq. Athen.* T. IV. p. 22. et a Quatremère-de-Quincy, *Lettres* p. 85. Truncus ille delineatus est apud Burrow tb. 22.

H. Vir iuuenis prope currum incedens. Huius truncus aine capite et membris inter Elginiana, XV, 76. (Burrow tb. 23.), exstat. Femora, quamuis exigua eorum para adhuc exstat, gradientis fuisse, adhuc intelligi potest. Similiter brachium dextrum protensum, laeum demissum fuisse, ex trunco dinatur, e lineis Nointelianis liquido apparet. Etiam magnitudinis ratio bene conuenit. In marmore notatur, humero laeum tergoque vestem, chlamydem puto, infectam fuisse, quam pictor Belga vix videre poterat. Est etiam inter fragmenta Elginiana, n. 256., laeum genu, quod huic signo addere possis, aed res non liquet.

I. K. Duo equi. Horum historia liquido docet, tormenta Venetorum huic fastigio, cuius murum etiam in tabula quadam Stuartiana adhuc integrum videre potes, non tantopere nocuisse, quam quidam narrant. Nam postea demum, cum Morosinus, nauarchus Venetorum, Athenis expugnatis cedere cogeretur: hos equos ut

tolleret et in patriam auferret, is in animum induxit. Sed inertia operarum factum est, ut, dum dimittuntur, retinentibus elaberentur, et, sicut narrat qui vidit, in puluerem magis quam in frusta et fragmenta misere confringerentur. V. Bulifone Lettere memorabili Raccolta sce. p. 83. Leake Topogr. Athen. p. xciv. Itaque Comes Elginiensis nulla horum equorum fragmenta reperire potuit. Nihilominus Fauvelius (Antiqq. Ath. V. IV. p. 20.) affirmat, alterum horum equorum muris arcis Turcicae in acropoli iniectum conspici. — Ceterum iis, quae supra de his equis dixi, hic adiicio, minime premendum esse, quod *binos* non quaternos equos currui iungat Erichthonius. Quaternos puto posuisset Phidias, si spatii angustia non fuisset impedimento. Nam cum inferior latitudo aëtomatos vix trium pedum esset, omnino fieri non poterat, ut in eo quatuor equi, octonos pedes alti, ponerentur.

Capita, quae in delineatione Bibliothecae Regiae subter equis conspiciuntur, pictor Belga nescio qua specie falsus addidisse videtur. Informe illud saxum, quo equi sustentantur, tum subiectum puto, cum vinci et vincula ferrea, quibus equi muro aëtomatos olim annexi fuerant, robigine exesa periissent.

L. Minerva in chartis Nointelianis capite, brachiorum maxima parte et crure sinistro cum parte tunicae caret. Hac parte corpus deae muro latericio innititur, qui in medio fastigio arcuatim exstructus erat, sine dubio, ut turricula cum campana imponeretur. (Ita Fauvelius). Sponius caput et crura huius signi truncata dicit; idem autem manifesto errat, cum affirmat, crura tantum dimidia veste tecta fuisse (ita etiam Whelerus); videtur ad superiorem solam tunicam attendisse et talarem, quae adest, neglexisse. Huius signi duo fragmenta exstant in Museo Britannico. 1. Magna pars pectoris (n. 75., Burrow th. 24). Figura aegidis bene conuenit cum lineis Nointelianis. Tum in media aegide tum in angulis et ego foramina notaui, capiti Gorgoneo et anguibus ex

aere, ut puto, factis et inauratis affigendis idonea, quae nullum dubium quin multo tempore ante pictoris Belgae opus ablata fuerint. 2. Pars capitis (n. 118. Burrow tb. 24.). Inuentam eam Viscontius dicit in ipso aëtomate, Cockerellius et Combius humi apud aedem. Continet id fragmentum frontem cum capillis cincinnatis dextrae partis, caua satis magna et profunda, quibus oculi vel argentei vel e lapillis facti impositi erant, locum nasi truncati, genam dextram et partem sinistrae. Qua tamen marmor non truncatum est, superficiem ostendit laeuem et integram, cui color encaustice inductus praesidio fuisse recte creditur. Laeva parte supra anteriorem oculi angulum duo foramina conspiciuntur, quae cassidi aëneae aptandae destinata erant. Hanc cassidem et capitis quae desunt in delineatione adiecta addidi. Nam caput hoc Minervae fuisse, cum Reuente aliisque nullus dubito; capillos eodem modo dispositos inueni, quo in multis tetradrachmis Athenarum, unde haec maxime restituendo capiti adhibui. Cockerellius (cuius de opinione me certorem fecit Reuens L. L. p. 61.) huic signo basin addit cum pedibus valde disiunctis, quae in Museo Britannico, XV. n. 201. asseruntur. Ego ut concesserim singula signa suas habuisse bases, hanc tamen opinionem reiicio, primum quia iam tempore pictoris Belgae pedes deae separati fuerant, siquidem alter tantum cum signo coniunctus erat; deinde valde metuo, ne pedes in basi illa minores sint quam pro signi magnitudine, denique it, quantum ego notauī, corio induti sunt, unde nescio, an imagini Romani temporis tribuendi sint. Leakeius Topogr. Ath. p. 254. de pedibus duobus cum stipite quodam arboris interposito inter Elginiana marmora asseruat. loquitur, at ego neque in hoc fragmento neque in alio simili (n. 107 *) quidquam de eo stipite vidi.

M. Signum, quod cum aliis Neptunum dixi. Id cum tempore Sponii et Marchionis Nointeliensis maximam partem adhuc superesset (fulciebatur autem muro illo lateritio), postea siue cum tem-

plum tormentorum vi concuteretur, siue cum Veneti signa quaedam demouere conarentur, delapsum est, atque, Fauvelio auctore, diu humi facebat, ita, vt caput inter rudera sepultum esset, pedes exstarent. Turcae corporis habitum et situm tanquam foedum auersati membra singula confregere iisque caementorum loco vsi sunt. In Britanniam deuenit pectus dei (n. 64. Burrow th. 25.), cuius quidem superficies anterior in exigua parte subter clauiculas et humeros adhuc superest, lacua sub lacerto, ad bicipitem vsque musculum sequato, magis integra exstat, dextra cum lacerto magis truncata est, in tergo denique (nam et hoc in omnibus signis summa cura absolutum) maximam partem integra superest, et suo iure magnam admirationem sibi comparat. Pectoris huius et brachiorum habitus cum delineatione artificis Belgae exacte conuenit. Aliud huius signi fragmentum in Museo Britannico non exstat.

M - N. Ad laeuum Neptuni latus omnes, qui de eorum signorum dispositione scripserunt, vacuum quoddam spatium statuunt, quod ex delineatione Nointeliana suppleri non posse dicunt. At mihi persuasum est, id spatium neque tum fuisse neque a pictore Belga significatum esse. Primum autem notandum, delineationem eam tanta negligentia et incuria factam esse, vt ne anguli quidem fastigii eiusdem magnitudinis sint, sed laeuus multo magis acutus: quod tum in Antiqq. Athen., tum in adumbratione, quam ipse charta pellucida feceram, obseruaui. Ea enim delineatio in duas partes diuisa est, quarum altera Neptuni signo terminatur, altera cetera signa vsque ad laeuum aedis humerum continet. Hac quidem in parte, prope fastigii oulmen, aetomatos spatium vacuum additur, quod nihil pisi murum lateritium continet, in quo arcus dimidius significatur. Hic autem arcus in altera delineationis parte non continuatur, quo fit, vt mentem pictoris de coniungendis his partibus haud facile assequaris. Plerique hunc murum arcuatum singulis partibus interposuere; mihi probabile fit, eum murum cum

arcu a. pictore vltra Neptuni signum, a tergo Neptuni, conspectum esse, et, ne lineae diuersae confunderentur, in altera parte ab eo Neptunum, in altera arcum esse significatum. Nam si ab angulo dextro ad culmen fastigii, quod supra dextrum Neptuni femur ponitur, metiris et eam mensuram in alteram delineationis partem transfers, inuenies culmen in eum locum incidere, qui non longe ab arcu dimidiato absit, ita vt Neptuni figuram hunc arcum tegere necesse sit, quanquam in priore delineationis parte nulla arcus pars significatur. Denique is arcus siue ad fulciendum fastigium, siue ad sustentandam turriculam exstructus, sub culmine aëtomatos fuisse videtur: quae omnia mihi persuadent, nullam fere fuisse inter Neptunum et signum proxime subiectum lacunam. Etiam Sponium in subsidium huius sententiae vocare possum. Hic enim (sicut Whelerus) plane nihil de lacuna dicit, idemque narrat, laeua signi, quod ipsi Iupiter, nobis Neptunus est, quinque vel sex signa, partim iam tum capite truncata, stare. Delineatio autem Nointeliana, etiamsi pueros puellasque in computum non adhibueris, septem exhibet, vnde apparet, Sponium eo loco nihil vidisse, quod tempore pictoris Belgae non superfuerit. Igitur in adumbratione adiuncta partes illas ita, vt ego rectum existimaui, coniungendas curavi.

N. Signum mulieris, cuius dextrum crus etiam muro illi innitebatur. Huio Editor IV. Vol. Antiqq. Athen. p. 22. truncum inter marmora Elginiana seruatum tribuit, atque in eo trunco zonam metallo additam fuisse obseruat. Is vix aliud fragmentum intelligere potuit quam quod in Museo Britannico, XV, 72., asseruatur; idemque de hoc verbis non ambiguis statuit Quatremère-de-Quincy Lettres p. 84. Contra affirmatur, hunc truncum sub fastigio orientali inuentum esse, quam sententiam sequitur Editor Synopseos ad n. 72., qui eum non male Victoriae alatae fragmentum esse censet. Cui equidem assenserim, cum et ipse caua illa, quibus alae aptatae erant, obseruauerim, et omnino corporis habitum

erectiorem et viuidiorem motum in trunco agnouisse mihi videar, quam in figura Nointeliana.

O. Signum deae, cuius sub pedibus cetus est. De huius trunco adhuc exstante dixi ad n. G.

P. Q. R. Signum matris cum duobus infantibus. Gremium huius signi exstat in Museo Britannico n. 73. Conuenit crurum et femorum habitus. Et superest etiam dextra parte aliquid de pedibus infantis, Dianae vt puto.

S. T. V. X. Z. Omnia haec signa solus artifex, quem Marchio Nointeliensis adhibuit, nota facit. Ad n. T. tamen pertinere videtur, sicut cum Quatremère p. 86. censeo, fragmentum laeui femoris diligenter vestiti, laciniis vestis ad latus solii, cui insidet, dependulis, in Museo Britann. n. 156. àsseruatum. Atque vltimi signi potest esse laeuus lacertus, in Museo Britannico n. 268., quem de fastigiis prouenisse tradentibus fragmenti forma materiesque fidem facit.

Cum nomina, quae his signis alii alia indidere, accurate recensuerit Reuens, equidem eam partem operis omisi. Adumbrationis autem adiectae fundus est delineatio Nointeliana, quam tamen ad symmetriam aedis redigere coactus fui. Ea, quae in Museo Britannico exstant, fragmenta *punctulis* circumpositis significau.